



مركز أصول
Osoul Center
www.osoulcenter.com



KLJUČ ZA RAZUMIJEVANJE ISLAMA



Dr. Abdurrahman sin
Abdulkerima Eš-Šeha



مركز أصول
Osoul Center
www.osoulcenter.com



KLJUČ ZA RAZUMIJEVANJE ISLAMA

Autor:

Dr. Abdurrahman sin Abdulkerima Eš-Šeha

© جمعية الدعوة والإرشاد وتوعية الجاليات بالربوة، ١٤٤٣هـ

فهرسة مكتبة الملك فهد الوطنية أثناء النشر

الشيخة، عبدالرحمن بن عبدالكريم

المفتاح لفهم الإسلام - اللغة البوسنية . / عبدالرحمن بن عبدالكريم

الشيخة - ط ١. - الرياض، ١٤٤٣هـ

١١٢ ص، ١٤ سم x ٢١ سم

ردمك : ٩-٨٠-٨٣٥٢-٦٠٣-٩٧٨

١- الاسلام أ. العنوان

١٤٤٣/٥٦٣٢

ديوي ٢١٠

رقم الایداع: ١٤٤٣/٥٦٣٢

ردمك : ٩-٨٠-٨٣٥٢-٦٠٣-٩٧٨



بِسْمِ اللَّهِ الرَّحْمَنِ الرَّحِيمِ

U ime Allaha, Milostivog, Samilosnog



Dragi čitaoče!

Islam je cjelovita i potpuna božanska religija i način života. Ima kompletan etički kodeks za sretan život na ovome i uspjeh na onome svijetu.

Islam je daleko od svih nesavršenosti i čist je od bilo kakvih nedostataka.

Bilo koje devijantno ili neprihvatljivo ponašanje primijećeno kod muslimana ne treba imati nikakvog utjecaja na islam, niti umanjiti njegovu važnost, ni u kojem slučaju.

Razlog takvom devijantnom ponašanju je uglavnom loše razumijevanje vjere, a i slaba vjera pojedinca koja dovodi do toga da osoba zaluta i počne činiti ono što ne dolikuje i što nije prihvatljivo.

Nepravedno je i nerazumno da se islam procjenjuje ili ocjenjuje na osnovu ponašanja ili stavova bilo kojih pojedinaca, osim postupaka Muhammeda, neka je na njega Allahov mir i spas, koji je najbolji primjer i uzor svim ljudima.

Sadržaj

| | |
|---|-----|
| Šta je islam? | 1 |
| Šta kažu o islamu? | 3 |
| Stubovi islama | 6 |
| Ko je poslanik islama? | 8 |
| Šta kažu o Muhammedu? | 10 |
| Stubovi vjerovanja | 11 |
| Šta je Kur'an? | 16 |
| Šta kažu o Kur'anu? | 18 |
| Temeljni ciljevi islama | 19 |
| Etika, ponašanje i moral u islamu | 22 |
| Prava u islamu | 23 |
| Šta znaš o islamu? | 24 |
| Islam i imovina | 26 |
| Islam i žene | 38 |
| Islamski pogled na seksualnost | 39 |
| Islam i nemuslimani | 41 |
| Islam i ostale božanske religije | 42 |
| Muslimani vole Isaa (Isusa) i njegovu majku | 43 |
| Islam i džihad | 43 |
| Islam je vjera mira | 44 |
| Islam i društvo | 45 |
| Islam i čistoća | 46 |
| Islam i znanje | 50 |
| Utjecaj islamske civilizacije na savremenu nauku | 52 |
| Odluke islamske civilizacije | 54 |
| Naučne tačke u nekim kur'anskim ajetima | 55 |
| Kur'an i početak svijeta | 61 |
| Kur'an o širenju svemira | 62 |
| Kur'an o nebeskim tijelima | 64 |
| Kur'an o atmosferskom pritisku | 67 |
| Kur'an o svemiru | 69 |
| Kur'an o atomu | 72 |
| Kur'an o embriologiji | 73 |
| Šta je u Kur'anu spomenuto o okeanima? | 74 |
| Kur'an o pregradi između mora | 75 |
| Kur'an o morskim tminama | 82 |
| Kur'an o unutrašnjim valovima | 82 |
| Kur'an o formiranju oblaka i kiše | 83 |
| Kur'an o životinjama | 84 |
| Kur'an o planinama | 86 |
| Voda i život | 91 |
| Ko su oni koji pokazuju neprijateljstvo prema islamu? | 93 |
| Značajne kvalitete i posebnosti islama | 95 |
| Zaključak | 96 |
| Kako osoba postaje muslimanom? | 99 |
| Kur'anski ajeti koji odražavaju moralne vrijednosti | 104 |



Osoul Center

Ovu knjigu je osmislio, pripremio i dizajnirao Usul Centar. Sve fotografije korištene u knjizi pripadaju Usulovom centru. Centar ovime dozvoljava svim muslimanima da ponovo štampaju i objave knjigu u bilo kojem formatu, pod uslovima:



+966 11 445 4900



+966 11 497 0126



P.O.BOX 29465 Riyadh 11457



osoul@rabwah.sa



www.osoulcenter.com





Svaka hvala Allahu, Gospodaru svih svjetova, Stvoritelju nebesa i Zemlje i svih stvorenja koja na njima žive. Neka Allah podari mir i blagoslov poslaniku Muhammedu, Svome pečatnom vjerovjesniku, kojeg je poslao kao milost svim svjetovima. Neka On, također, ukaže Svoj blagoslov svim vjerovjesnicima i poslanicima koje je poslao da izvedu čovječanstvo iz tame na svjetlost. Mi u Međunarodnom centru za misionarske aktivnosti „Usul“, sretni smo što našim čitaocima možemo predstaviti novo izdanje. Sva naša izdanja imaju isti opći cilj, a on je predstavljanje islama čovječanstvu kakav on zaista jeste, pojašnjavajući njegovu suštinu i ljepote. Želimo jasno pokazati da je islam jedina vjera koja pruža praktična i djelotvorna rješenja za sve probleme s kojima se suočava čovječanstvo. To je vjera koja daje jasne i čvrste odgovore na sva pitanja koja su mučila ljude tokom mnogih generacija, poput: Kako smo nastali i zašto postojimo? Kuda idemo? Nadalje, islam je jedina religija koja od svojih sljedbenika zahtijeva da vole i poštuju sve poslanike koje je Allah poslao, među kojima su Musa (Mojsije) i Isa (Isus), mir neka je s njima.

Naša izdanja također opovrgavaju optužbe protiv islama i pojašnjavaju nerazumijevanje ljudi u pogledu islamskog učenja.

U svim izdanjima vodimo računa o izlaganju argumenata koji su prihvatljivi razumu i koji smiruju dušu. Naš motiv jeste da ovu veliku božansku vjeru učinimo poznatom ljudima, kako bi pronašli Uputu. To je najbrže rastuća vjera u naše vrijeme, što potvrđuje studija objavljena 2015. godine, koju je proveo Pew Research Center.

Ova knjiga, „**Ključ za razumijevanje islama**“, od samog početka navodi da Kur'an nije naučna knjiga, ali ukazuje poštovanje nauci i naučnicima, dajući im visok status u islamskom društvu i svojim sljedbenicima naređuje da ih se uvažava i cijeni. Autor obavještava svoje čitaoce da nema namjeru povezati Kur'an sa modernim naučnim otkrićima, nego navodi samo kur'anske ajete koji se odnose na takva otkrića koja je i sama nauka otkrila u naše vrijeme.

Knjiga objašnjava suštinu islama, da je on vjera koja postavlja cjelovit način života koji sadrži obrede i principe vjerovanja koji osiguravaju istinski moral i promiču najbolje aspekte ljudske duše, koji imaju za cilj popraviti pojedinca i očuvati zajednicu i njeno jedinstvo. Jasni primjeri za to prikazani su u knjizi. Kao takva, knjiga je zaista ključ za shvatanje islama.

Izvršni director



UVOD



UVOD

Sva slava i hvala pripada Allahu, Gospodaru svjetova, neka je Njegov mir i blagoslov na poslanika Muhammeda, njegovu porodicu i njegove sljedbenike.

Ova knjiga ukratko objašnjava posljednju božansku religiju⁽¹⁾, koja zamjenjuje sve prethodne religije. Prema posljednjim istraživanjima, islam je religija koja ima preko milijardu sljedbenika širom svijeta. Ljudi prihvataju islam u velikom broju. Oni koji pozivaju u islam neumorni su u tome, bez obzira na činjenicu da pozivanje u islam nema nikakvu materijalnu satisfakciju. Nakon prihvatanja islama rijetki su primjeri onih koji su ga napustili.

U islamu su nauka i oni koji se bave naukom veoma cijenjeni, oni uživaju veliki respekt u muslimanskom društvu.

Kur'an nije knjiga o nauci, već osnovni zakon koji detaljno opisuje osnove islamskog života. U njemu se spominju politički, socijalni, ekonomski, moralni i drugi aspekti života.

Nemam namjeru da u ovoj knjizi predstavim sva naučna otkrića koja su potvrđena u Kur'anu. Spomenuo sam samo neke naučne činjenice, povezao ih sa kur'anskim ajetima koji sadrže precizne naučne informacije, a koje je tek nedavno otkrila moderna nauka.

Pozivam muslimane, ali i nemuslimane da pročitaju ovu knjigu, razmisle o svim Božijim atributima, pozivam ih i da se potrudu da povećaju svoje znanje o islamu.

Dr. Abdurrahman Eš-Šeha

1 Riječ din je prevedena kao riječ religija, što je na arapskom jeziku obično povezano sa načinom života, kako u privatnom tako i u javnom smislu. Pojam uključuje djela obožavanja, zapovijesti, običaje i sveobuhvatan kodeks ponašanja u koje se ubraja lična higijena i standardi ponašanja.





**KLJUČ ZA
RAZUMIJEVANJE
ISLAMA**





• Allah



Kaže Allah:

❖ Recite: „Mi vjerujemo u Allaha i u ono što se objavljuje nama, i u ono što je objavljeno Ibrahimu, i Ismailu, i Ishaku, i Jakubu, i unucima, i u ono što je dato Musau i Isau, i u ono što je dato vjervjesnicima od Gospodara njihova; mi ne pravimo nikakve razlike među njima, i mi se samo Njemu pokoravamo.” ❖

(Al-Baqara/Krava, 2:136).



01

Šta je islam?

Islam je pokornost Allahu i vjerovanje u Njegovu Jedinstvo (tj. monoteizam), poslušnost Njegovim propisima bez pripisivanja Njemu suparnika i posrednika. To je vjera tolerancije i olakšanja.

Kaže Allah: «... Allah želi da vam olakša, a ne da poteškoće imate - da određeni broj dana ispunite, i da Allaha veličate zato što vam je ukazao na Pravi put, i da zahvalni budete.» (Al-Baqara /Krava, 2:185).

Islam je religija u kojoj čovjek pronalazi duhovno zadovoljstvo i mir srca.

Kaže Allah: «one koji vjeruju i čija se srca, kad se Allah pomene, smiruju - a srca se doista, kad se Allah pomene smiruju!» (Ar-Ra'd /Grom, 13:28)

Islam je vjera milosti i samilosti.

Allahov Poslanik, sallallahu alejhi ve selem, je rekao: „*Najdraži ljudi Allahu su oni koji najviše koriste drugima,*“ (Hadis bilježi Taberani)

Islam je religija u kojoj nema nejasnoća ili dvosmislenosti.

Kaže Allah: «*Mi smo i prije tebe samo ljude kao poslanike slali i objavljivali im - pitajte sljedbenike Knjige ako ne znate.*» (An-Nahl /Pčele, 16:43)

Islam je religija za sve i njegova da'va (poziv) je usmjerena na cijelo čovječanstvo, a ne samo na određenu rasu ili na jednu određenu etničku grupu.

Kaže Allah: «*Mi smo te poslali svima ljudima da radosne vijesti donosiš i da opominješ, ali većina ljudi ne zna.*» (Saba'/Saba, 34:28)





► **Islam** je religija koja briše (oprašta) sve grijehе u prošlosti (koje je čovjek počinio prije prihvatanja islama) Poslanik, sallallahu alejhi ve selem, je kazao: „*Prihvatanje islama briše sve što je bilo prije njega.*” (Hadis bilježi Muslim)

► **Islam** je potpuna i savršena religija koja je dokinula sve prethodne objave. Islam je posljednja religija.

Kaže Allah: ﴿...Sada sam vam vjeru vašu usavršio i blagodat Svoju prema vama upotpunio i zadovoljan sam da vam islam bude vjera. - A onome ko bude primoran - kad hara glad, bez namjere da učini grijeh, Allah će oprostiti i samilostan biti.﴾ (Al-Ma'ide /Trpeza, 5:3)

U islamu se činovi obožavanja dijele na verbalno, odnosno usmeno (govorno) obožavanje, na fizičko, odnosno tjelesno obožavanje, i srčano obožavanje, odnosno obožavanje ubjeđenjem.

Ovi činovi obožavanja igraju važnu ulogu u preuređivanju ponašanja pojedinca, pročišćavanju njegove duše, te reformiranju njegovog unutrašnjeg i vanjskog stanja, te doprinosi održavanju integriteta i jedinstva muslimanskog društva.

Šta drugi kažu o islamu?

W. Montgomery Watt⁽¹⁾ u svojoj knjizi: „What is Islam?“ (Šta je islam?) je izjavio sljedeće: „Šta znači zapravo „biti religiozan“ na Zapadu, odnosno u



- Vrata Kabe su napravljena od čistog zlata iz poštovanja prema Kabi. Kaba se otvara samo jednom godišnje, kada se čisti i prekriva novim crnim prekrivačem „Kiswa“ za vrijeme hadža.

1 W. Montgomery Watt je škotski orijentalista.



zapadnoevropskom društvu? U najboljem slučaju, to za prosječnog čovjeka koji živi u zapadnoevropskom društvu znači: način trošenja vremena otprilike jedan sat svake nedjelje u praksi koja mu daje podršku da se suoči sa problemima svakodnevnog života. Taj čin ga također ohrabruje da se odnosi prijateljski prema drugim osobama i da na taj način održava standarde familijarne pristojnosti. Sadržaj tog čina pretežno ima malu ili skoro nikakvu vezu sa trgovinom, ekonomijom, politikom ili industrijom. U krajnjem slučaju taj čin ulijeva zadovoljstvo i prosperitet kod pojedinaca.

Evropski pogled na religiju je kao opijat koji je razvijen od strane eksploatatora s ciljem pokoravanja običnih ljudi i naroda. Takvo razumijevanje i tumačenje religije/vjere se drastično razlikuje od muslimanskog razumijevanja, odnosno tumačenja religije.

U sljedećem ajetu se kaže: «**Allahu je prava vjera jedino - islam!**» (3:19) značenje riječi „vjera/religija“ je riječ „din“, koja na arapskome jeziku obično obuhvata cijeli način života.

Iz toga se može zaključiti da religija/vjera nije samo privatna stvar pojedinaca koja je na margini njihovih života, već je to privatna i javna stvar koja gradi i predstavlja cijelu strukturu društva. Tako islam, kao teološka dogma, obuhvata sve aspekte života, od obožavanja Jednog Boga, detaljnog kodeksa ponašanja, političke teorije pa sve do osobne higijene pojedinca.“

Ko je bio Poslanik islama?

On je Ebu Kasim, Muhammed ibn Abdullah (Abdullahov sin). Njegov otac, Abdullah ibn Abdul-Muttalib, je bio iz Hašimove loze koja je imala korijene u plemenu Kurejš, čiji je predak bio Adnan, sin Poslanika Ismaila, a.s., a Poslanik Ismail, a.s., je sin Poslanika Ibrahima, a.s.



* W. Montgomery Watt.



Poslanik Muhammed sallallahu alejhi ve selem, je rođen 570. godine u časnom gradu Meki, koja je već tada bila religiozni centar Arapskog poluotoka jer se sveta Kaba, koju je sagradio Poslanik Ibrahim, a.s., zajedno sa svojim sinom Ismailom, a.s., nalazila u njoj.


I prije nego što je dobio objavu Poslanik sallallahu alejhi ve selem, je bio poznat među stanovnicima Meke po imenu „Povjerljivi“, tako da bi oni (stanovnici Meke) imali običaj da mu na čuvanje povjere svoju imovinu kada bi išli na putovanja van grada Meke. On sallallahu alejhi ve selem, je također bio poznat i kao „Iskrenoljubiv“, jer nikada nije lagao i nikada nije bio nepouzdan. Poslanik sallallahu alejhi ve selem, je bio dobroćudan i uvijek je bio dobronamjieran prema drugima.

Kada je prve riječi Objave dobio u svojoj četrdesetoj godini života, sa zabrinutošću i usplahirena srca, ušao je kod svoje supruge Hatidže, r.a., i rekao joj: „Pokrijte me, pokrijte me!“ Kada su ga pokrili i kada je od njega strah otišao, poče Hatidži ,r.a., ono što mu se desilo, rekavši:

„Strahovao sam za sebe.“ A Hatidža mu reče: „Ne, tako mi Allaha, Allah te nikada neće poniziti, jer ti spajaš rodbinske veze, pružaš gostoprimstvo gostima, udjeluješ potrebnima kojima će to olakšati stanje u kojima se nalaze, paziš na sirotinju i uvijek pomažeš stranu pravde.“ (Hadis bilježi Buhari)

Poslanik sallallahu alejhi ve selem, je poslije prvih ajeta objave ostao u Meki trinaest godina, pozivao je ljude da vjeruju u Jednog Boga, Allaha. Zbog neprijateljstva i nepodnošljivosti plemena Kurejš prema njemu i njegovim ashabima (sljedbenicima) Allahovom naredbom emigrira (čini hidžru) u grad Jesrib (Medinu), i tamo poziva stanovnike u vjeru islam, koju stanovnici Medine odnosno Jesriba srdačno prihvataju. U Medini prima preostalu objavu ajeta o šerijatu (pravnom sistemu u islamu). Poslanik sallallahu alejhi ve selem, nakon osam godina njegove emigracije, tj. Hidžre, u Medinu se na miran način vraća u Meku, u kojoj svi stanovnici prihvataju islam. Poslanik sallallahu alejhi ve selem, je preselio na ahiret (umro) u 63. godini života, nakon što mu je Allah objavio cijeli Kur, an. Svi propisi islama su objavljeni tokom života Poslanika, sallallahu alejhi ve selem, i većina arapskih plemena su prihvatila vjeru islam.

Šta drugi kažu o Muhammedu (sallallahu alejhi ve selem)?



* George Bernard Shaw.

George Bernard Shaw u svojoj knjizi „*The Genuine Islam*“ kaže sljedeće: „Ja sam ga lično proučavao, i ovaj divni čovjek, po mom mišljenju je daleko od Antikrista. On se treba prozvati kao Spasitelj čovječanstva, jer vjerujem da ako bi čovjek poput njega vladao u modernom današnjem svijetu, onda bi svi mi uspeli u rješavanju naših problema na način koji bi nam pružio prijeko potreban mir i sreću. Ja proričem da će se Muhammedova vjera prihvatiti u budućnosti Evrope isto kao što treba da se prihvati danas u Evropi“.⁽¹⁾

Annie Besant⁽²⁾ u knjizi „*The Life and Teachings of Mohammed*“ je rekla sljedeće: „Nemoguće je da svako ko je proučavao karakter i život velikog arapskog Poslanika, i koji zna kako je on podučavao i kako je on živio, da ne osjeća ništa drugo osim poštovanje prema tom moćnom Poslaniku, koji je bio jedan od velikih vjerovjesnika. I šta da vam kažem, jer mogu reći mnogo stvari koje mogu biti poznate mnogima od nas i koje ja lično prepoznajem kada ih ponovo čitam, a to su: novi način divljenja i novi osjećaj poštovanja prema ovome moćnome arapskome učitelju“.

- Svjedočim da nema istinskog boga osim Allaha i da je Muhammed Njegov rob i Poslanik.



1 „The Genuine Islam“, Vol. 1, broj 8, 1936.

2 English Theosophist (bos. teozofista- sljedbenik teozofije), filozof i političar koji je zagovarao kućna pravila i reforme obrazovanja u Indiji.



Stubovi Islama

Fizički (tjelesni) i verbalni (govorni) dio obožavanja predstavljaju stubove islama.

A stubovi islama su sljedeći:



Kelime-i-šehadet (iskaz svjedočenja)

„Svjedočim da nema istinskog boga osim Allaha i da je Muhammed Njegov rob i Poslanik“.

Ovaj iskaz svjedočenja znači da „niko nema pravo da bude obožavan i ništa nema pravo da bude obožavano mimo Allaha Jednog Jedinog i da je Muhammed Njegov rob i Poslanik“. Ovim iskazom svjedočenja čovjek postaje musliman.

Prvi dio iskaza svjedočenja, da niko nema pravo da bude obožavan i ništa nema pravo da bude obožavano mimo Allaha Jednog Jedinog znači da je:

- 01 ► Allah, Stvoritelj svega što postoji.
- 02 ► Allah, Vlasnik svega što postoji i da je On Stvoritelj svih djela.
- 03 ► Allah, Jedini koji je vrijedan obožavanja.

Drugi dio iskaza svjedočenja da je Muhammed Njegov rob i Poslanik znači sledeće:

- 01 ► Poslušnost Poslaniku, sallallahu alejhi ve selem, u onome što je on naredio.
- 02 ► Vjerovati u sve što je Poslanik, sallallahu alejhi ve selem, rekao.
- 03 ► Uzdržavati se od onoga što je Poslanik, sallallahu alejhi ve selem, zabranio i na što je on upozorio.
- 04 ► Obožavati Allaha onako kao što je Poslanik, sallallahu alejhi ve selem, to radio.



02

Molitva (Namaz / As-Salat)

- Veliki džemat vjernika u džamiji obavlja molitvu (namaz) Bogu, Svemogućem, Jedinom, što jasno pokazuje poniznost i pokornost Njemu.




- Jezički „Az-zekat“ znači povećanje. Zekat povećava bogatstvo i štiti od nedaća.

Kroz molitvu se održava odnos između čovjeka / stvorenja i njegovog Stvoritelja / Gospodara. U molitvi se čovjek obraća svome Gospodaru, tražeći Njegov oprost i tražeći od Njega pomoć i smjernice u svakodnevnom životu.

Musliman je onaj koji obavlja pet molitvi (namaza) dnevno u njihovim propisanim vremenima. Te molitve bi svi muškarci trebali obavljati u mesdžidu (džamiji), u džematu (zajedno), osim onih koji imaju opravdani razlog da izostanu iz džemata. Na ovaj način muslimani se upoznaju međusobno, jačaju jedni druge, pomažu jedni drugima, te grade veze ljubavi i jedinstva, koje ih drže zajedno na okupu.

Ako neko od muslimana nije prisutan na molitvi (namazu), a vjeruje se da je bolestan, drugi muslimani bi ga trebali posjetiti. U slučaju da jedan od njih ne uspijeva da ispoštuje neke od svojih obaveza, kao npr. finansijske obaveze, ostali bi ga trebali savjetovati i pomoći mu. U islamu ne postoje socijalne i društvene razlike. Svi muslimani su jednaki pred Allahom, bez obzira na različit društveni status, rasu, porijeklo. To najbolje potvrđuje činjenica da su muslimani u molitvi (namazu) rame uz rame u istim linijama (saffovima), i u isto vrijeme okrenuti prema Meki.

STUBOVI ISLAMA





03

Zekat (Az-Zakat)

Zekat predstavlja određeni dio imetka koji muslimani izdvajaju i udjeljuju siromašnim i potrebnim. Zekat se izdvaja pod određenim uslovima. Kada musliman dobrovoljno izdvoji zekat iz svog imetka, on na taj način ispunjava svoju dužnost i postiže Allahovo zadovoljstvo.

Cilj ovog dobrotvornog djela je oživljavanje međusobne socijalne podrške među muslimanima u društvu, iskorjenjivanje siromaštva i posljedica koje proizilaze iz njega. Ovim djelom liječe se srca bogatih ljudi od pohlepe, a srca siromašnih od mržnje i ljubomore, koja bi mogla nastati prema bogatim ljudima u društvu. Na taj način se kroz zekat osigurava u društvu da bogati ljudi i dalje brinu o siromašnim i njihovim potrebama.

04

Post mjeseca Ramazana (As-Sijam)

Svaki musliman je obavezan da posti tokom mjeseca Ramazana. Muslimani se moraju suzdržavati, od zore pa do zalaska sunca, od bilo čega što kvari post, bilo da se radi o hrani, piću ili seksualnom odnosu. U islamu je post djelo obožavanja i propisan je isto kao što je bio propisan u prethodnim objavama.

Kaže Allah: **«O vjernici! Propisuje vam se post, kao što je propisan onima prije vas, da biste se grijeha klonili.»** (Al-Baqara / Krava, 2:183)



- Ramazan Plemeniti

05

Hodočašće (Al-Hadž)

Hadž je hodočašće u Meku radi obavljanja određenih obreda u određenom vremenu i na određenim mjestima. Ovaj stub islama je obavezan za svakog zrelog, zdravog muslimana, muškarca ili žene koji imaju sposobnost (finansijska sredstva za putovanje) da jednom u životu obave hadž.



Kaže Allah: ﴿U njemu su znamenja očevidna - mjesto na kojem je stajao Ibrahim. I onaj ko uđe u njega treba da bude bezbjedan. Hodočastiti Hram dužan je, Allaha radi, svaki onaj koji je u mogućnosti; a onaj koji neće da vjeruje - pa, zaista, Allah nije ovisan ni o kome.﴾ (Ali 'Imran / Imranova porodica, 3:97)

Hadž je najveći skup muslimana gdje se muslimani iz cijelog svijeta okupljaju na istom mjestu i u istom vremenu da obožavaju Allaha, nose istu odjeću (ihrame) i obavljaju iste rituale.

Na hadžu se ne pravi razlika između bogatih i siromašnih, bijelih i crnih, arapa i nearapa, svi su jednaki pred Allahom, što znači da u islamu nema razlike osim u bogobožnosti (taqwaluku). Hadž je događaj koji naglašava bratstvo, zajedništvo, dijeljenje i saosjećanje među muslimanima.

Osnovni stubovi vjere (imana)

Srčana djela obožavanja, koji su osnovni stubovi vjere (imana), su sljedeći:


01

Vjerovanje u Allaha (Boga)

Вера в Аллаха предполагает веру в Его существование, а также веру в то, что Он:

- ▶ Vjerovati u Boga (Allaha) znači vjerovati u Njegovu egzistenciju tj. postojanje.
- ▶ Vjerovati da je samo On dostojan da bude obožavan i da On nema sudruga koji mu je jednak u Njegovom gospodarstvu (Rubuubijah)⁽¹⁾,
- ▶ Vjerovati u Njegovu Jedinostvenost (Uluuhijah)⁽²⁾ i Njegova lijepa imena i svojstva (Atribute)⁽³⁾.

- 112. sura (poglavlje) Kur'ana. Objavljena je povodom toga što su mušrici pitali Muhammeda, sallallahu alejhi ve selam, o opisu Gospodara svjetova.



- 1 Vjerovanje da Allah postoji i da je On Stvoritelj ovoga svemira, njegov Vlasnik i da On raspoláže svim dešavanjima. On je taj koji čini da se sve dogodi. Ništa ne
- 2 Vjerovanje da je Allah jedini istinski Bog, koji istinski zaslužuje da bude obožavan, i kome sva djela obožavanja moraju biti posvećena.
- 3 Vjerovanje u jedinstvenost svih Njegovih imena i atributa, i da sva ta lijepa imena i atributi

- ▶ On je sam Stvoritelj ove egzistencije, njen Vlasnik;
- ▶ On je Taj koji uređuje sva dešavanja koja se odvijaju u njoj.

Samo ono što On želi, biva i ostvaruje se, i On je Taj koji zaslužuje iskreno da bude obožavan.

Kaže Allah: ﴿Reci: „On je Allah - Jedan! Allah je Utočište svakom! Nije rodio i rođen nije, i niko Mu ravan nije!„﴾ (Al-Ihlas /Iskrenost, 112:1-4)



02 Vjerovanje u Allahove meleke (Božije anđele)

Vjerovanje da egzistiraju meleki (anđeli). Niko ne zna njihov broj osim Njega (Allaha). On ih je stvorio da Ga obožavaju.

Kaže Allah: ﴿Mesihu neće biti zazorno da prizna da je Allahov rob, pa ni melekima, Njemu najbližim. A one kojima bude zazorno da se Njemu klanjaju, i koji se budu oholili, Allah će ih sve pred Sebe sakupiti.﴾ (An-Nisa' /Žene, 4:172)

Meleki (anđeli) ne dijele bilo koju od Allahovih specifičnosti, oni nisu Njegova djeca. Allah ih je stvorio s ciljem da obavljaju određene zadatke i da Ga obožavaju.

Kaže Allah: ﴿Oni govore: „Milostivi ima dijete!„ Hvaljen neka je On! A meleki su samo robovi poštovani. * Oni ne govore dok On ne odobri i postupaju onako kako On naredi.﴾ (Al-Anbiya' /Vjerovjesnici, 21:26- 27)



03 Vjerovanje u Allahove knjige

Vjerovanje u Allahove knjige znači vjerovanje da je Allah objavio knjige/zavjete Svojim izabranim poslanicima da ih prenesu čovječanstvu.



Te knjige u trenutku njihovih objava nisu sadržavale ništa osim istine, i sve te knjige pozivaju da se samo Allah obožava i pojašnjavaju da je Allah (Bog) jedan, da je On Stvoritelj, Posjednik i Vlasnik, i da Njemu pripadaju najljepša imena i atributi.

Neke od ovih knjiga su:

- ▶ **Suhuf (Ibrahimovi/Abrahamovi spisi);** Suhuf je sveto pismo koje je objavljeno Poslaniku Ibrahimu (Abrahamu), a.s.

- ▶ **Tevrat (Tora);** Tevrat je sveta knjiga koja je objavljena Poslaniku Musau (Mojsiji), a.s.

- ▶ **Zebur (Psalmi);** Zebur je sveta knjiga koja je objavljena Poslaniku Davudu (Davidu), a.s.

- ▶ **Indžil (Evandjelje);** Indžil je sveta knjiga koja je objavljena Poslaniku Isau (Isusu), a.s.

- ▶ **Časni Kur'an;** Kur'an je Allahov (Božiji) govor koji je objavljen direktno poslaniku Muhammedu sallallahu alejhi ve selem, preko meleka Džibrila (anđela Gabrijela), i to je posljednja objava od Allaha (Boga), kojom su ukinute sve prethodne objave.

Šta je Kur'an?

Kur'an je Ustav muslimana u kojem se nalaze doktrine koje reguliraju vjerski život muslimana u ovozemaljskim stvarima. Kur'an se razlikuje od prethodnih objava u sljedećem:

- ▶ To je posljednja Allahova (Božija) objava koja je objavljena ljudima, i zbog toga je Allah Uzvišeni obećao da će je štiti od iskrivljenosti do Sudnjeg dana.

Kaže Allah: ﴿**Mi, uistinu, Kur'an objavljujemo i zaista ćemo Mi nad njim bdjeti!**﴾ (Al-Higr /Hidžr, 15:9)

- ▶ Kur'an sadrži sva zakonodavstva koja poboljšavaju ljudsko društvo i koja garantuju sreću za sva svoja izvršenja.

- ▶ Kur'an je dokumentovao priče Poslanika i glasnika, ono što se dogodilo između njih i njihovih naroda, od Adema (Adama), a.s., do Muhammeda (sallallahu alejhi ve selem).

- ▶ Kur'an je objavljen cijelom čovječanstvu, da izvede ljude iz tmine na svjetlost, tako da ljudski rod živi život u harmoniji i sreći.
- ▶ Recitovanje (učenje) Kur'ana i njegovo pamćenje je djelo obožavanja Allaha (Boga).



* Maurice Bucaille

Šta drugi kažu o Kur'anu?

Maurice Bucaille u svojoj knjizi: „The Quran, and Modern Science“ („Kur'an i moderna nauka“) je rekao sljedeće: „Potpuno objektivno proučavanje Kur'ana u svjetlu modernih nauka, dovodi nas do toga da možemo prepoznati ekvivalenciju između te dvije stvari, koje su i ranije bile već više puta zabilježene.

Preostaje nam jedino da mislimo da je sasvim nezamislivo bilo da čovjek koji je živio u Muhammedovo vrijeme zbog nedostatka znanja u vremenu u kojem je živio bio možda autor takvih izjava. Takva umjerenost je dio onoga što daje Kur'anu posebno mjesto, i na taj način prisiljava nepristrasno naučnike da priznaju svoju nesposobnost u pokušaju da pruže objašnjenje koje se poziva isključivo na materijalističkim rasuđivanjima.“

كَلِمَاتٍ خَلِقُهَا فَيُنزِلُهَا
وَيُنزِلُهَا فِي كِتَابٍ مُّجِيدٍ
وَيُنزِلُهَا فِي كِتَابٍ مُّجِيدٍ
وَيُنزِلُهَا فِي كِتَابٍ مُّجِيدٍ

- "Sve što je na Zemlji prolazno je, ostaje samo Gospodar tvoj, Veličanstveni i Plemeniti." (Ar-Rahman /Milostivi, 55:26- 27).



04 Vjerovanje u Allahove (Božije) poslanike

Vjerovanje da je Allah odabrao ljude iz cijelog čovječanstva koji će biti Njegovi poslanici. On ih je slao Svojim stvorenjima sa specifičnim zakonima, da samo Njega obožavaju i da Njega poštuju, Jednog Jedinog, i da uspostave vjeru i Njegovo jedinstvo (tevhid). Allah je zapovjedio Svojim poslanicima da prenesu Njegovu poruku ljudima, tako da ljudi ne mogu imati nikakve dokaze protiv Njega nakon što je On poslao Svoje izabrane poslanike.

Kaže Allah: **«I prije tebe smo samo ljude slali kojima smo objavljivali, zato pitajte sljedbenike Knjige ako ne znate vi!»** (Al-Anbiya' /Vjerovjesnici, 21:7)

Prvi Poslanik je bio Nuh (Noah), a.s., a posljednji je Muhammed (sallallahu alejhi ve selem).

05 Vjerovanje u Sudnji dan

Vjerovanje da će životu na ovome svijetu doći kraj.

Kaže Allah: **«Sve što je na Zemlji prolazno je, ostaje samo Gospodar tvoj, Veličanstveni i Plemeniti.»** (Ar-Rahman /Milostivi, 55:26- 27)

Nakon toga, Allah će oživjeti sva zatim će polagati račun i nagraditi one koji budu imali dobra djela. Zbog njihovih dobrih djela, njihove vjere u Allaha i njihove povezanosti sa poslanicima, Allah će ih nagraditi vječnim životom u džennetu (raju).

A one koji ne vjeru, koji su nedjela činili i bili neposlušni svojim poslanicima, On će njima vječni život u džehennemu (paklu) prirediti.



06

Vjerovanje u qadaa (predodređenost) i qadar (sudbinu)

Vjerovanje da je Allah znao i odredio sve prije nastanka samog dešavanja, i da On jedini zna šta će se desiti nakon toga; vjerovanje da će Allah poslije sve ponovo oživjeti, i to sve u skladu sa Njegovim znanjem.

Kaže Allah: ﴿...i koji je sve stvorio i kako treba uredio!﴾
(Al-Furqan /Furkan, 25:2)

Ovo uvjerenje ne proizlazi samo po sebi; svaki pojedinac mora težiti tome da ga postigne.

Vjera u božanske dimenzije dovodi do sljedećeg:

- 01** ► Vjerovanje u Allahovu odredbu rezultira čistu savjest i mirno srce. Tako da se ne ostavlja prostor za tugovanjem za nečim što se već desilo ili nečim što se neće desiti.

- 02** ► Ovo podstiče istraživanje o Allahovim stvorenjima u univerzumu. Zabrinutost i razne bolesti primoravaju ljude da traže i prave lijek, koji je Allah (Bog), Svevišnji stvorio u ovome univerzumu.

- 03** ► To povećava nečiju ovisnost o Allahu i uklanja strah od Allahovih stvorenja. Ibn 'Abbas je rekao: „Bio sam iza Allahovog Poslanika sallallahu alejhi ve selem, i on mi reče: „O mladi dječaće, ja ću te naučiti nekoliko riječi: Čuvaj Allahove zapovijedi i On će tebe čuvati. Čuvaj Allahove zapovijedi, naći ćeš Ga ispred sebe. Ako pitaš za nešto, onda pitaj Allaha, a ako tražiš pomoć za nešto, traži je od Allaha, i znaj u slučaju da ti se cijeli svijet sastane da ti pomogne, neće ti biti u stanju da pomognu, bez već propisane Allahove predodređenosti za tebe. A ako se cijeli svijet sastane da ti napravi neko zlo, neće ti biti u stanju da ti naude, osim sa onim što je Allah već predodredio i propisao za tebe.





Osnovni ciljevi islama

Osnovni ciljevi islama su:

- 01 ► očuvanje vjere islama,
- 02 ► očuvanje života,
- 03 ► očuvanje zdravlja,
- 04 ► očuvanje uma,
- 05 ► očuvanje imetka,
- 06 ► očuvanje časti.



• Islam

Poslanik islama, Muhammed sallallahu alejhi ve selem, je kazao: „*Allah je učinio vaš život, vaše bogatstvo i vašu čast svetom, kao svetost ovog dana (dana Arefata na hadžu), u ovom svetom mjesecu (mjesecu zul-hidžah - 12. mjesec islamskog kalendara) na ovom svetom mjestu (Meki s okolinom).*“ (Hadis bilježi Buhari)

On, sallallahu alejhi ve selem, je također rekao: „*Hoćete li da vam kažem kakav je istinski vjernik? On je osoba kome drugi mogu povjeriti svoj imetak i svoje živote. Musliman je čovjek*

od čijeg su jezika i ruku sigurni drugi ljudi, a pravi borac na Allahovom putu je onaj koji se bori protiv svojih unutrašnjih požuda u poslušnosti prema Allahu, a pravi emigrant (onaj koji ostavlja zemlju nevjernika i imigrira u zemlju vjernika) je osoba koja ostavlja grijeha i loša djela.

(Hadis bilježi Ibn Hibban)



• „Poslan sam da upotpunim moral kod ljudi.“ (Hadis bilježi Hakim)



Etika (moral) i maniri u islamu

Islam zabranjuje svako zlo i sve razuzdane postupke, bilo u govoru ili u djelima.



Kaže Allah: ﴿Reci: „Gospodar moj zabranjuje razvrat, i javni i potajni, i grijeh, i neopravdano nasilje, i da Allahu smatrate ravnim one za koje On nikakav dokaz objavio nije, i da o Allahu govorite ono što ne znate.“﴾ (Al-A'raf/Bedemi, 7:33)

Islam propisuje i ohrabruje sve da imaju uljudan moral i fine manire moralnosti. Poslanik islama, Muhammed sallallahu alejhi ve selem, je kazao: „*Poslan sam da upotpunim moral kod ljudi.*“ (Hadis bilježi Hakim)



Uzvišeni i Svemogući Allah kaže u Kur'anu: ﴿Reci: „Dođite da vam kažem šta vam Gospodar vaš propisuje; da Mu ništa ne pridružujete, da roditeljima dobro činite, da djecu svoju, zbog neimaštine, ne ubijate - Mi i vas i njih hranimo - ne približujte se nevaljalštinama, bile javne ili tajne; ne ubijajte onog koga je Allah zabranio ubiti, osim kada to pravda zahtijeva -

eto, to vam On preporučuje da biste razmislili.﴾ (Al-An'am/Stoka, 6:151)

Allahov Poslanik, sallallahu alejhi ve selem, je rekao: „*Niko od vas neće istinski vjerovati sve dok ne bude želio svom bratu ono što želi sebi.*“ (Hadis bilježi Buhari)



04

Prava u islamu

Islam je propisao svojim sljedbenicima da daju ljudima njihova legitimna prava. Tako da svim roditeljima, supružnicima, djeci i susjedima se poklanja posebna pažnja, u skladu sa njihovim specifičnim i posebnim ulogama na ovome svijetu. Na takav način se izgrađuje međusobna zajednica, koja dovodi do jačanja i solidarnosti u muslimanskom društvu između pojedinaca i društva. Taj način širenja ljubavi i jedinstva među pojedincima u društvu sprječava društvo od uništenja, odnosno od raspadanja.



- «Allah, zaista, ne voli one koji se ohole i hvališu» (An-Nisa' /Žene, 4:36).

Kaže Allah: **«I Allahu se klanjajte i nikoga Njemu ravnim ne smatrajte! A roditeljima dobročinstvo činite, i rođacima, i siročadi, i siromasima, i komšijama bližnjim, i komšijama daljnjim, i drugovima, i putnicima, i onima koji su u vašem posjedu. Allah, zaista, ne voli one koji se ohole i hvališu.»** (An-Nisa' /Žene, 4:36)

Poslanik, sallallahu alejhi ve selem, je kazao: „*Svako od vas je čuvar i odgovoran je za ono što spada pod njegovo starateljstvo, vladar se stara za svojim podanicima i odgovoran je za njih. Čovjek se stara za svoju porodicu i odgovoran je za nju, žena je čuvar kuće svoga muža i odgovorna je za to, a sluga je čuvar imovine svoga gospodara i odgovoran je za to.*” (Hadis bilježi Buhari)

Čak i putevi, na kojima se ljudi kreću i putuju, imaju svoja prava koja trebaju da se poštuju.

Poslanik islama, Muhammed, sallallahu alejhi ve selem, je rekao: „*Budite pažljivi i držite se podalje od sjedenja na putevima. „Rekli su: „O Allahov Poslaniče, nemamo drugog mjesta za okupljanje i razgovor.” On, sallallahu alejhi ve selem, odgovori: „Ako morate tako uraditi, onda dajte putu njegovo pravo“.* Oni rekoše: „A šta je pravo puta?“ On, sallallahu alejhi ve selem, odgovori: „*Da spustite vaš pogled (da ne gledate pripadnice suprotnog spola), da ne nanosite štetu drugima, te da odgovarate na pozdrav (selam) i nalažete dobro a zabranjujete zlo.*” (Hadis bilježi Buhari)

Čak i životinje imaju prava. Pokazati im suosjećanje i tretirati ih ljubazno može biti razlog da se postigne oprostjenje počinjenih grijeha.

Kazao je Allahov Poslanik Muhammed, (sallallahu alejhi ve selem): „*Jedan čovjek je putovao, pa ga je u putu spopala jaka žeđ, kada je našao bunar, sišao je u njega i napio se vode. Poslije njegovog izlaska iz bunara zatekao je psa isplaženog jezika koji od žeđi jede blato. Čovjek reče: „Ovog psa je snašla žeđ isto kao što je bila snašla i mene.“ Zatim je čovjek sišao u bunar, napunio svoju mestvu vodom, da bi poslije toga kada je izašao iz bunara primakao mestvu psećim ustima. Kada je napojio psa, Allah mu je oprostio njegove grijeha.“ Prisutni ashabi rekoše: „Božiji Poslaniče, zar mi i u usluzi životinjama imamo nagradu?“ Poslanik, sallallahu alejhi ve selem, reče: „U svakom što ima vlažno središte (jetra) ima nagrada.“ (Hadis bilježi Buhari)*



Prema islamu, zlostavljanje životinja, kao što je npr. njihovo mučenje i tortura, zatim njihovo ograničavanje hrane i pića, može biti dovoljan razlog da počinioци tih nedjela završe u džehennemu (paklu).

Allahov Poslanik, Muhammed, sallallahu alejhi ve selem,

- Islam je učinio zlostavljanje životinja teškim grijehom.





je rekao sljedeće: „Žena je kažnjena zbog mačke jer ju je držala zarobljenu / zatvorenu sve dok mačka nije uginula, pa će zbog toga završiti u paklu (u džehennemu). Nije je hranila niti joj davala vodu da pije dok ju je držala, a nije je ni pustila da ona sama jede insekte (i ostale stvari) koje su se nalazile na zemlji“. (Hadis bilježi Buhari)

Ako ovakvu milost islam pokazuje prema životinjama, kakvu onda milost islam treba da pokaže prema ljudima koje je Allah Uzvišeni iznad svih ostalih stvorenja uzvisio?



Šta znate o islamu?



Kaba (Arap. Al-Ka'bah)

Kada je Ismail, a.s., sin Ibrahima, a.s., (Abrahama) i Hadžere rođen, druga njegova supruga, Sara (Sarah) je postala ljubomorna, pa je zbog toga tražila od Ibrahima (Abrahama) da udalji Hadžeru i njenog sina Ismaila dalje od nje. Allah Uzvišeni je potom objavio Ibrahimu (Abrahamu) da ih odvede u Meku gdje će ih on (Ibrahim / Abraham) s vremena na vrijeme posjećivati. Jednom, dok je dugo vremena bio odsutan od njih, po povratku je vidio Ismaila da gađa strelicama blizu bunara vode Zemzem. Kada ga je vidio, prigrlio ga je onako kao što otac grli svoga sina kada se sretnu poslije dugog odsustva i rekao: „O Ismaile, Allah mi je naredio da ovdje izgradim Njegovu kuću/hram.“ Tako su njih dvojica podigli zidove Allahove kuće/hrama (Kabe) u Meki. Ismail je skupljao kamenje za gradnju, a njegov otac Ibrahim ih je postavljao. Budući da su zidovi koje su gradili bili visoki, Ibrahim je postavio kamen na kojem je stajao za vrijeme gradnje. Kada bi gradili zidove, njih dvojica bi ponizno učili dovu (ponizno molili Allaha) izgovarajući:

﴿...”Gospodaru naš, primi od nas, jer Ti, uistinu, sve čuješ i sve znaš!”﴾ (Al-Baqara /Krava, 2:127)

Muslimani širom svijeta se okreću prema kibli (Kabi u Meki) dok obavljaju propisane namaze (molitve), jer je to prva Allahova kuća (hram na zemlji).

- Crni kamen je crne boje sa crvenim nijansama. Nalazi se u južnom dijelu hrama, lijevo od vrata Kabe na visini od oko 110 cm od tla. Osoba koja obavlja "at-tawaf" (kruženje 7 krugova oko Kabe) vidi crni kamen uvijek na svojoj lijevoj strani. "At-tawaf" počinje i završava se pri prolasku pored crnoga kamena.



Kaže Allah: **«Prvi hram sagrađen za ljude jest onaj u Meki, blagoslovljen je on i putokaz svjetovima.»** (Ali 'Imran /Imranova porodica, 3:96)

To je simbol muslimanskog jedinstva i muslimani se okreću prema kibli (Kabi u Meki) svojim srcima i svojim tijelima.

Kaže Allah: **«A Allahov je i istok i zapad; kuda god se okrenete, pa - tamo je Allahova strana. - Allah je, zaista, neizmjereno dobar i On sve zna.»** (Al-Baqara /Krava, 2:115)

Kada muslimani *tawafe*, kruže oko svete Kabe sedam krugova, oni obožavaju Allaha (Boga) Jednog, a ne obožavaju Kabu kao što to neki ljudi misle.

«Neka se oni Gospodaru hrama ovoga klanjaju, koji ih gladne hrani i od straha brani.» (Qurayš / Kurejšije, 106:3-4)



- Od mu'džize (čuda) Poslanika Ibrahima, a.s., je to da je kamen na kojem je stajao kada je gradio Kabu postao mekan i da su mu stopala utonula u kamen. Otisci Ibrahimovih, a.s., stopala se mogu i dan-danas vidjeti u tom kamenu koji je zaštićen kupolom napravljenom od debelog stakla.



02

Crni kamen

Poslije završetka izgradnje hrama (Kabe), nedostajao je jedan kamen kojim bi se upotpunila izgradnja Kabe. Ibrahim, a.s., je zatražio od svoga sina Ismaila, a.s., da potraži odgovarajući kamen.

Po povratku iz potrage za odgovarajućim kamenom Ismail a.s. vidjevši da je njegov otac Ibrahim a.s. već našao i postavio odgovarajući kamen upitao ga je: „Oče, odakle ti ovaj kamen?“ Ibrahim a.s. mu reče: „*Melek Džibril, a.s., mi ga je spustio s neba.*„

I tako se završila izgradnja Kabe, a kada je ovaj kamen poslan s neba bio je bjelji od mlijeka.

Poslanik, sallallahu alejhi ve selem, je rekao: „*Kada je*



crni kamen poslan s neba, bio je bjelji od mlijeka da bi poslije pocrnio od grijeha ljudi.” (Hadis bilježi Tirmizi)

03


Mekam-i-Ibrahim

Rekao je Poslanik, (sallallahu alejhi ve selem): „*Jemenski ćošak i Mekami- Ibrahim su dva draga kamena iz Dženneta (iz rajskih vrtova), i da im nije Allah oduzeo svjetlost, oni bi osvijetlili sve što se nalazi između istoka i zapada.*“ (Hadis bilježi Ibn Hiban)

Mekam-i-Ibrahim je kamen na kojem je Ibrahim, a.s., stajao dok je gradio Kabu. Njegov sin Ismail, a mu je pomogao u tome dodavajući kamenje za gradnju.

Otisci Ibrahimovih a.s. stopala se još uvijek mogu vidjeti u kamenu ispod staklene kupole. Allah je odredio vjernicima da obavljaju namaz (molitvu) iza ovoga mjesta (Mekam-i-Ibrahim) sljedećim riječima:


«**I učinili smo Hram utočištem i sigurnim mjestom ljudima. „Neka vam mjesto na kojem je stajao Ibrahim bude prostor iza koga ćete namaz obavljati!” - I Ibrahimu i Ismailu smo naredili: „Hram Moj očistite za one koji ga budu obilazili, koji budu tu boravili i koji budu molitvu obavljali.”**» (Al-Baqara / Krava, 2:125)



04

Vrelo Zemzem

- Vrelo se nalazi 21 metar udaljenosti od same Kabe. Izvor je ručno otkopan, odnosno iskopan i dubok je oko 30 metara. Unutrašnji prečnik izvora varira u rasponu od 1,08 m do 2,66 m.



- Udaljenost između Safe (As-Safa) i Merve (Al-Marwa) je oko 450 metara, tako da sedam dužina od Safe do Merve iznosi oko 3.15 km.

Kada je Ibrahim, a.s., odveo Hadžeru i njihovog sina Ismaila, a.s., na mjesto u blizini Kabe, ostavio ih je ispod drveta na mjestu koje će poslije biti izvor vode Zemzem. U to vrijeme Meka je bila nenaseljeno mjesto i niko tada tu nije živio, tako da je Ibrahim, a.s., kada ih je napuštao ostavio im nekoliko datula i malu mješinu vode (spremnik za vodu izrađen od životinjske kože). Kada je odlazio, Ismailova, a.s., majka Hadžera mu je rekla: „O Ibrahimе! Gdje ćeš! Ovde ne postoji nikakva osoba koja nam može pomoći, niti je ovo nešto zbog čega ćemo biti sretni.”

I dok je hodao, ona mu je to ponovila mnogo puta, da bi ga zadnji put pitala: „Da li ti je Allah naredio da ovako postupiš?” On je rekao: „Da.” Onda je ona rekla: „On nas sigurno neće zanemariti.”

Ibrahim, a.s., se polahko udaljavao od njih da bi se, kada je stigao do malog brdašćeta odakle ih više nije mogao vidjeti, okrenuo prema Kabi, i molio / dovio:

«Gospodaru naš, ja sam neke potomke svoje naselio u kotlini u kojoj se ništa ne sije, kod Tvoga Časnog hrama, da bi, Gospodaru naš, molitvu obavljali; zato učini da srca nekih ljudi čeznu za njima i opskrbi ih raznim plodovima da bi zahvalni bili.» (Ibrahim /Ibrahim, 14:37)

Hadžera je dojila Ismaila, a.s., i pila vodu iz mješine koju je imala. Kada je nestalo vode, ona i njen sin su ožednjeli. U nastaloj agoniji da ne bi gledala kako njeno dijete bespomoćno plače od žeđi, otrčala je do najbližeg brdašćeta Safe (As-Saffa), gdje je stala i intezivno gledala, nadajući se da će vidjeti nekoga, ali tamo nikoga nije bilo. Potom se vratila nazad u dolinu, i potrčala onako kao što trči osoba koja se nalazi u nevolji, sve dok nije došla do drugog brdašćeta Merve



(Al-Marwa), gdje je opet intezivno gledala oko sebe u nadi da će vidjeti nekoga, ali bez uspjeha. Sve je to ponovila sedam puta.

Ibn 'Abbas prenosi da je Poslanik, sallallahu alejhi ve selem, rekao: „Ovo je porijeklo s'aja (tradicija hodanja i trčanja između brdašceta Safe (As-Safa) i brdašceta Merve (Al-Marwa). Kada je Hadžera stigla do Merve (Al-Marwa) posljednji put, čula je glas koji ju je smirio i koji je ona pažljivo slušala, da bi potom rekla: „O Vi, koji ste mi omogućili da čujem vaš glas! Imate li nešto što mi može pomoći?“ Pogledaj! I kada je Hadžera pogledala, vidjela je meleka (anđela) kako na mjestu budućeg izvora Zemzem vode udara svojim krilima o tlo zemlje sve dok voda nije počela da izvire iz tog mjesta. Kako bi spriječila vodu da teče, Hadžera je brzo napravila barijeru/pregradu oko vode kako bi napunila mješinu vodom (spremnik za vodu izrađen od životinjske kože). Poslanik, sallallahu alejhi ve selem, je potom dodao: „Da se Allah smiluje Ismailovoj majci! Da nije zaustavila Zemzem vodu u pokušaju da je kontroliše i napuni njome svoju mješinu, Zemzem voda bi bila potok koji teče na površini zemlje.” (Hadis bilježi Buhari)



Safa (As-Safa) i Merva (Al-Marwa)

To su dva brdašceta između kojih je Ismailova, a.s., (Išmaelova) majka Hadžera zastajala i trčala kada je bila u potrazi za vodom i hranom. Za vrijeme obreda hadža hodočasnici hodaju i trče između ova dva brdašceta, praktikujući time sunnet Poslanika, sallallahu alejhi ve selem.



Džemerat

To su mjesta na Mini (Mina-mjesto u Meki), gdje je šejtan (sotona) sreo Poslanika Ibrahima, a.s., (Abrahama) kada je ostavio svoju ženu Hadžeru i njegovog sina Ismaila, a.s., u Meki, ne bi li ga odvratio od poslušnosti Allahu. Onda je Ibrahim, a.s., uzeo kamenčiće i bacio na šejtana (sotonu) izgovarajući tekbir (Allahu ekber/Allah je najveći).

Tokom obreda hadža, hodočasnici bacaju kamenčiće na ovim stubovima, slijedeći time sunnet Ibrahima, a.s., (Abrahama). Muslimani smatraju šejtana (sotonu) otvorenim neprijateljem čovječanstva kojem

- Postoje tri Džemreta na Mini (Mina-mjesto u Meki Džemerat al-Aqabah (najveći džemerat), Džemerat al- Wusta (srednji džemerat) i Džemerat al-Sughra (mali džemerat). Udaljenost između Džemerat al- Sughra (malog džemreta) i Džemerat al-Wusta (srednjeg džemreta) je oko 150 metara, a udaljenost između Džemerat al-Aqabah (najvećeg džemreta) i Džemerat al-Wusta (srednjeg džemreta) je oko 225 metara.



se čovjek mora suprotstaviti time što se neće prepustiti šejtanskim (sotonskim) prohtjevima, slijedeći time Allahove zapovijedi i poštujući time Njegove zabrane.



Muslimanski praznici (Bajrami)

Muslimani imaju dva bajrama (blagdana) u godini: Ramazanski bajram ('idul-fitr) sa kojim se završava mjesec Ramazan (mjesec posta) i Kurban bajram ('idul-adha), koji muslimani proslavljaju prinošenjem žrtve (klanjem životinje) slijedeći tim djelom sunnet poslanika Ibrahima, a.s., (Abrahama), da bi na taj način tražili bliskost Allahu. Kada je Ibrahim, a.s., vidio u snu da treba žrtvovati svoga sina Ismaila, a.s., mislio je to i da uradi, jer su snovi poslanika istiniti.

Allah mi je poslao ovna da ga umjesto sina žrtvuje.

U vezi toga Allah je objavio sljedeće ajete: ﴿i Mi smo ga obradovali dječakom blage naravi. I kad on odraste toliko da mu poče u poslu pomagati, Ibrahim reče: „O sinko moj, u snu sam vidio da treba da te zakoljem, pa šta ti misliš?” „O oče moj,” - reče - „onako kako ti se naređuje postupi; vidjećeš, ako Bog da, da ću sve izdržati.” I njih dvojica poslušase, i kad ga on čelom prema zemlji položi, Mi ga zovnusmo: „O Ibrahim, ti si se Objavi u snu odazvao; - a Mi ovako nagrađujemo one koji dobra djela čine-.” (As-Saffat /Redovi, 37:101-105)



- Kullu a'm we entum bihajr (Da ste u blagodatum svake godine). Napisano u tagri (kaligrafski stil), koji su koristili Otomanski sultani za vrijeme islamskog hilafeta.



Poslanikova, sallallahu alejhi ve selem, džamija

Poslanikova džamija (mesdžid) je prva džamija sagrađena u islamu. Svi Božiji poslanici su ukopani na mjestima na kojima su preselili na bolji (vječni) svijet,



tako da je i Poslanik, sallallahu alejhi ve selem, ukopan u svojoj kući, koja je bila pored džamije, jer je tu preselio na bolji (vječni) svijet. Pohvalno je nazvati selam (pozdrav) Poslaniku, sallallahu alejhi ve selem, kada se posjećuje džamija i kada se prolazi pokraj njegovog, sallallahu alejhi ve selem, mezara (groba).

09

Pećina Hira

Poslanik, sallallahu alejhi ve selem, je imao običaj provesti mnoge noći u ovoj pećini, a melek Džibril, a.s., (anđeo Gabrijel) mu je dostavio prvu objavu u njoj. Muslimani ne trebaju da posjećuju pećinu, jer Poslanik, sallallahu alejhi ve selem, nakon svoje misije nikada nije posjetio pećinu.



- Pećina Hira se nalazi na vrhu „Brda Svjetlosti“ (Džebel en-nur) koji se nalazi istočno od Meke. Brdo se nalazi oko 4 km od mekanske Svete džamije (Mesdžidulharama u Meki), i vrh brda je oko 634 metara visok.
- Džebel en-nur“ (Brdo svjetlosti) je jedno od mekanskih brda (Faraan) navedenih u Tevratu (Tor), 232/, na kojem je melek Džibril, a.s., (anđeo Gabrijel) dostavio objavu poslaniku Muhammedu, sallallahu alejhi ve selem.

10

Džamija „Kupola na stijeni“ (Qubbat As-Sakrah) ili Hram nad stijenom

„Hram nad stijenom“ je jedan od kamena temeljaca „Bejtul makdisa“ koji stoji u sredini dvorišta Mesdžidulaksa džamije. On je dug 18 metara i širok je oko 13 metara. Sinovi poslanika Izraela su ga smatrali kiblom (pravcem molitve). Tu svrhu je također imao i kod muslimana sve do trenutka kad je objavljeno/naređeno da Kabu u Meki uzmu za *kiblu* (pravac molitve).

Al-Baraa` am Azib je rekao: „Opravljali smo namaz (molitvu) sa Poslanikom, sallallahu alejhi ve selem, šesnaest ili sedamnaest mjeseci prema Bejtu Al-Maqdis (džamija Al-aksa u Jerusalimu), da bi poslije od Allaha bilo objavljeno/naređeno Poslaniku, s.a.v.s., da promijeni kiblu (pravac molitve) prema Kabi u Meki.“



Bejtul-Makdis (Džamija Al-aksa)

Mjesto gdje se nalazi džamija je sveto mjesto na zemlji. Uzvišeni Allah je od početka stvaranja odredio ovo mjesto za molitvu gdje će se svi vjernici (monoteisti) moliti. Džamija Al-aksa je druga džamija koja je sagrađena na zemlji.

- Džamija „Kupola na stijeni“.



Prenosi se od Ebu Zerra, r.a., da je rekao: „O Allahov poslaniče, koji je prvi mesdžid (džamija) na zemlji?“ On, sallallahu alejhi ve selem, je rekao: „Mesdžidul-haram u Meki“, a onda sam pitao: „Gdje je drugi mesdžid (džamija)?“ On, sallallahu alejhi ve selem, je rekao: „Bejtul-makdis (Mesdžidul-aksa)“. Potom sam ga pitao: „Kolika je vremenska razlika između ova dva mesdžida (džamije)?“ On, sallallahu alejhi ve selem, je rekao: „Četrdeset godina, a gdje god da se zadesiš za vrijeme molitve, obavi molitvu, jer je cijela zemlja mjesto za molitvu.“ (Hadis bilježi Muslim)



Kada je Adem (Adam), a.s., izgradio Kabu, objavljena mu je naredba od Allaha da ode u Jerusalem, i sagradi džamiju (gdje se danas nalazi Mesdžidul-aksa) u kojoj će ljudi klanjati. Ovo je bila prva podignuta građevina u Jerusalemu.

- Za molitvu u Mesdžidulaksi se dobiva velika nagrada, međutim u islamu je zabranjeno koristiti ovo mjesto za neke posebne molitve i zabranjeno mu je pripisivanje više vrijednosti ili blagoslova nego što mu u osnovi pripada.
- alejhi ve selem): „Nakon što je Sulejman (Salomon), a.s., sin Davudov završio izgradnju džamije Al-aksa (u Jerusalemu), zamolio je (dovio je) da mu Allah podari vlast i bogatstvo koje niko nije imao prije njega i koje niko neće imati poslije njega, te da niko neće doći u ovu džamiju da obavi molitvu, a da mu se grijesi neće oprostiti.“

Potom je rekao Poslanik, sallallahu alejhi ve selem:



„Dvije njegove (Sulejmanove) molitve (dove) su se uslišile, a ja se nadam da će se treća uslišiti meni.“ (Hadis bilježi Ibn Huzeima)

To je bila prva od dvije kible (pravac za molitvu) prema kojoj su se Poslanik, sallallahu alejhi ve selem, i muslimani okretali prilikom namaza (molitve) prije nego što im je objavljeno odnosno naređeno da promijene kible (pravac za molitvu) prema svetoj Kabi u Meki. Tokom noćnog putovanja (*isra we el-miradž*), Poslanik, sallallahu alejhi ve selem, je posjetio Mesdžidul-aksa u Jerusalimu, da bi poslije odatle otišao na nebo. Tokom noćnog putovanja (*isra we el-miradž*), on, sallallahu alejhi ve selem, je predvodio sve poslanike u namazu (molitvi).

Kaže Allah: **«Hvaljen neka je Onaj koji je u jednom času noći preveo Svoga roba iz Hrama časnog u Hram daleki, čiju smo okolinu blagosloveli kako bismo mu neka znamenja Naša pokazali.* - On, uistinu, sve čuje i sve vidi.»** (Al-Isra' /Noćno putovanje, 17:1)

Mesdžidul-aksa (u Jerusalimu) je treći al-haram (zaštićena bogomolja / sveto mjesto), poslije Mesdžidul-harama u Meki (Kabe) i Poslanikovog mesdžida (džamije) u Medini.



Islam i imetak

Prema islamu, sav imetak pripada Allahu koji je Allah povjerio čovjeku. Čovjek je odgovoran za način sticanja i potrošnju svog stečenog imetka, jer se u islamu imetak mora steći na dozvoljen (halal) način, a isto tako treba biti utrošen na dozvoljen (halal) način, bez pretjeranih troškova i rasipništva.

Rekao je poslanik Muhammed, sallallahu alejhi ve selem: „*Neće se pomaći stopala insana na Sudnjem danu dok ne odgovori na sljedeća pitanja: o životu, kako ga je proveo, o znanju, koliko je radio po njemu, o imetku, kako ga je stekao i gdje ga je potrošio, i o tijelu, u šta ga je koristio.*“ (Hadis bilježi Tirmizi)

Imetak također mora biti utrošen na dozvoljen način i u korisne svrhe.

Kaže Allah: **«Nije čestitost u tome da okrećete lica svoja prema istoku i zapadu; čestiti su oni koji vjeruju u Allaha i u onaj svijet, i u meleke, i u knjige, i u vjerovjesnike, i koji od imetka, iako im je drag,**



إِنَّ الْمَرْءَ لَشَفِيعٌ لِأَهْلِهِ
إِنَّ الشَّفِيعَةَ لَأَكْبَرُ مِنْ
الْحَبْلِ أَلْبَنٍ

- „Žene su zaista sestre muškarcima.”



daju rođacima, i siročadi, i siromasima, i putnicima, i prosjacima, i za otkup iz ropstva, i koji molitvu obavljaju i zekat daju, i koji obavezu svoju, kada je preuzmu, ispunjavaju, naročito oni koji su izdržljivi u neimaštini, i u bolesti, i u boju ljutom. Oni su iskreni vjernici, i oni se Allaha boje i ružnih postupaka klone.﴾ (Al-Baqara /Krava, 2:177)



Žena u islamu

U islamu se žene razlikuju od muškaraca, i svako od njih predstavlja i ima svoju odgovarajuću ulogu u društvu. Poštivanje žene u islamu i odavanje počasti prema njoj je znak dobrog i zdravog karaktera koji predstavlja čistu i nepokvarenu prirodnu pojavu.

Kazao je poslanik Muhammed, (sallallahu alejhi ve selem): „Najbolji među vama su oni koji se najbolje ophode prema svojim suprugama.” (Hadis bilježi Ibn Hiban)

Žena je ujedno i prva osoba prema kojoj se čovjek mora ophoditi pravedno, te održavati kontakte i tretirati je dobro.

Kada je jedan čovjek pitao Allahovog poslanika Muhammeda, sallallahu alejhi ve selem, ko mi je najpreči da se prema njemu najbolje ophodim i brinem?

Poslanik, sallallahu alejhi ve selem, mu odgovori: „*Tvoja majka.*” Pa je čovjek pitao: „Onda ko?” Na što mu je Poslanik, sallallahu alejhi ve selem, odgovorio: „*Tvoja majka.*” Pa je čovjek opet pitao: „Onda ko?” Na što mu je Poslanik, sallallahu alejhi ve selem, opet odgovorio: „*Tvoja majka.*” I kada ga je čovjek opet pitao: „Onda ko?” Onda mu je Poslanik, sallallahu alejhi ve selem, rekao: „*Tvoj otac.*” (Hadis bilježi Buhari)

Kazao je poslanik Muhammed, (sallallahu alejhi ve selem): „*Žene su zaista sestre muškarcima.*” (Hadis bilježi Abu Davud)

▶ Žene su jednake čovjeku u svom ljudskom i humanom biću, i one nisu izvor grijeha, niti su one uzrok izlaska Adema (Adama), a.s., iz Dženneta (Raja).

▶ Ličnost žene je jednaka ličnosti čovjeka, i one imaju potpuno pravo da zadrže svoje ime i prezime u braku.

▶ Žene su jednake muškarcima u smislu nagrađivanja i kažnjavanja na ovome i na budućem svijetu.

▶ Žene su jednake muškarcima kada je u pitanju čuvanje dostojanstva i ponosa, zato islam i nalaže da se čuva ženina čast i čednost.

▶ U islamu, žene, kao i muškarci, imaju potpuno pravo nasljedstva.

▶ U islamu, žene kao i muškarci, imaju potpuno pravo i slobodu na raspolaganje svoga imetka.

▶ Žene, kao i muškarci, imaju potpuno pravo na obrazovanje i vaspitanje.

▶ U islamu, žena kao i muškarac ima pravo da odrasta i živi u zdravom i pristojnom ambijentu, te da stekne visoko obrazovanje.

▶ U islamu, glava kuće, odnosno čovjek/suprug brine o ženi/supruzi, o svim njenim potrebama. Za neudatu ženu se treba skrbiti otac a ako nema ova onda brat/braća, a u slučaju da nema brata/braću za nju će se skrbiti njen najbliži srodnik koji je zadužen za skrbništvo.

▶ Žena ima pravo da zadrži sav svoj imetak, novac za sebe, i ona nije odgovorna za finansijsko održavanje porodice.

▶ U islamu, žena ima pravo da bude seksualno zadovoljena od njenog supruga.

▶ U islamu, žena ima pravo na starateljstvo nad svojom djecom u slučaju razvoda, osim ako nije u stanju da ih podigne (odgoji) uz valjani razlog.

▶ Žena također ima pravo da se preuda nakon razvoda ili nakon smrti svoga supruga.



Kazao je poslanik Muhammed, (sallallahu alejhi ve



selem): „*Ko ima tri kćeri ili tri sestre i odgoji ih u pobožnosti i bogobojaznosti, taj će biti sa mnogom ovako u Džennetu (raju)*”. A onda je to pokazao spajanjem njegovog kažiprsta sa srednjim prstom. (Hadis bilježi Ahmed sa drugima)



Seksualni odnos kroz perspektivu Islama

Islam smatra da je seksualni odnos važna ljudska potreba koja se ne treba potisnuti i ostaviti sa strane, već doživjeti na jedan, sa zadovoljstvom pristojan i iskusan način. U islamu se na seks ne gleda kao na neku tabu temu (zabranjenu temu) od koje bi se čovjek trebao suzdržavati, jer je islam dostavio nužne zakone koji upravljaju seksualnim životom između supružnika sa ciljem da se zadovolje njihove obostrane seksualne potrebe.



U islamu se seksualni odnos (snošaj) između muškarca i žene realizuje kroz brak s ciljem obostranog seksualnog zadovoljstva. Krajnji cilj braka u islamu je da se postigne psihološka i emocionalna stabilnost oba supružnika.

Kaže Allah: «... i jedan od dokaza njegovih je to što za vas, od vrste vaše, stvara žene da se uz njih smirite, i što između vas uspostavlja ljubav i samilost; to su, zaista, pouke za ljude koji razmišljaju.» (Ar-Rum / Bizantinci, 30:21)

Islam štiti pojedinca i društvo (zajednicu) zabranom svega što izaziva ne dozvoljenu seksualnu želju, iz straha da se pojedinac može dovesti do preljube (činjenja bluda) ili sodomije (homoseksualizma).

Blud i homoseksualizam bi doveli do širenja polnih bolesti u društvu (zajednici) i rezultirali bi velikim brojem vanbračne djece, koja ne bi dobili legitimnu a ni moralnu podršku svojih roditelja.

Ta djeca nakon takvog djetinjstva i odgoja bi osjećala ogorčenost,

odbojnost i mržnju prema drugima u društvu u kojem žive.

Kaže Allah: **«I što dalje od bluda, jer to je razvrat, kako je to ružan put!»** (Al-Isra' /Noćno putovanje, 17:32)



Islam i nemuslimani (ehluz-zime)



Kaže Allah: **«Allah vam ne zabranjuje da činite dobro i da budete pravedni prema onima koji ne ratuju protiv vas zbog vjere i koji vas iz zavičaja vašeg ne izgone - Allah, zaista, voli one koji su pravični.»** (Al-Mumtahina / Provjereni, 60:8)

Kazao je poslanik Muhammed, (sallallahu alejhi ve selem): „*Uistinu, ko god bude nanosio nepravdu onome s kojim imamo ugovor (pakt), lišavajući ga njegovih prava, opterećavajući ga više nego što može podneti, ili tražeći nešto od njega bez njegove saglasnosti, onda ću se ja lično osporavati s njim na Sudnjem danu.*” Kad je ovo Poslanik, sallallahu alejhi ve selem, govorio imao je prst na svojim prsima, da bi poslije rekao: „*Uistinu, onaj ko ubije ijednog čovjeka sa kojim imamo ugovor (pakt) ili koji*

je pod Allahovom nadležnošću i nadležnošću Njegova Poslanika, Allah će mu zabraniti miris Dženneta (Raja), a miris Dženneta (Raja) se stvarno osjeti na udaljenosti od sedamdeset godina.” (Hadis bilježi Bejhaki)

Kazao je poslanik Muhammed, sallallahu alejhi ve selem: „*Gospodar mi je zapovjedio da se ne ugnjetavaju ljudi s kojima imamo pakt (tj. nemuslimani koji žive u muslimanskim zemljama, ehluz-zime) ili bilo koji drugi ljudi.*” (Hadis bilježi Bejhaki)





Islam i druge Božije religije

Islam nalaže muslimanima da obavezno vjeruju u prethodne Božije objave, poslanike i vjerovjesnike. Muslimani moraju sve da ih vole i poštuju.

Kaže Allah: «To su dokazi naši koje dadasmo Ibrahimu za narod njegov. Mi više stepene dajemo onima kojima Mi hoćemo. Gospodar tvoj je, uistinu, Mudri i Sveznajući. I Mi mu poklonismo i Ishaka i Jakuba; i svakog uputismo - a Nuha smo još prije uputili - i od potomaka njegovih Davuda, i Sulejmana, i Ejjuba, i Jusufa, i Musaa, i Haruna - eto, tako Mi nagrađujemo one koji dobra djela čine - i Zekerijjaa, i Jahjaa, i Isaa, i Iljasa - svi su oni bili dobri - i Ismaila i El-jese'a i Junusa i Luta - i svima smo prednost nad svijetom ostalim dali - i neke pretke njihove i potomke njihove i braću njihovu - njih smo dabrali i na Pravi put im ukazali.» (Al-An'am /Stoka, 6:83-87)



Šta Kur'an govori o Musau, a.s., (Mojsiji)

Kaže Allah: «I spomeni u Knjizi Musaa! On je bio iskren i bio je poslanik, vjerovjesnik.» (Maryam /Merjema, 19:51)

Kaže Allah: «O Musa, „- reče On -“ Ja sam tebe odlikovao nad ostalim svijetom poslanstvom svojim i govorom Svojim. Ono što ti dajem uzmi i zahvalan budi!» (Al-A'raf /Bedemi, 7:144)

Kaže Allah: «Mi smo Musau Knjigu dali da učinimo potpunom blagodat onome koji će prema njoj postupati i kao objašnjenje svemu i uputu i milost - da bi oni povjerovali da će pred Gospodara svoga stati.» (Al-An'am /Stoka, 6:154)

Kaže Allah: «I Musaa smo poslali s dokazima Našim: “Izvedi narod svoj iz tmina na svjetlo i opomeni ga Allahovim danima!” To su, uistinu, dokazi za svakog onog ko je strpljiv i zahvalan.» (Ibrahim / Ibrahim, 14:5)

02


Šta Kur'an govori o Isau, a.s., (Isusu) i njegovoj majci Merjem, a.s., (Mariji)

Kaže Allah: ﴿I kada meleki rekoše: “O Merjema, tebe je Allah odabrao i čistom stvorio, i boljom od svih žena na svijetu učinio.﴾ (Ali 'Imran / Imranova porodica, 3:42)



Kaže Allah: ﴿Isaov slučaj je kod Allaha isti kao i slučaj Ademov: od zemlje ga je stvorio, a zatim rekao: “Budi!” - i on bi.﴾ (Ali 'Imran / Imranova porodica, 3:59)

Kaže Allah: ﴿O sljedbenici Knjige, ne zastranjajte u svome vjerovanju i o Allahu govorite samo istinu! Mesih, Isa, sin Merjemin, samo je Allahov poslanik, i Riječ Njegova koju je Merjemi dostavio, i Duh od Njega; zato vjerujte u Allaha i Njegove poslanike i ne govorite: “Trojica su!” Prestanite, bolje vam je! Allah je samo jedan Bog - hvaljen neka je On! - zar On da ima dijete?! Njegovo je ono što je na nebesima i ono što je na Zemlji, i Allah je dovoljan kao svjedok.﴾ (An-Nisa' / Žene, 4:171)



03

Muslimani vole Isaa, a.s., (Isusa) i njegovu majku Merjemu, a.s., (Mariju)

Isa, a.s., (Isus) se spominje u Časnom Kur'anu na šesnaest različitih mjesta. U suri (poglavlju) *Al-Ma'idah* (Trpeza), u 110. ajetu Uzvišeni Allah kaže: ﴿Kad Allah rekne: „O Isa, sine Merjemin, sjeti se blagodati Moje prema tebi i majci tvojoj: kada sam te Džibrilom pomogao pa si s ljudima, u bešici i kao zreo čovjek,



razgovarao; i kada sam te pismenosti i mudrosti, i Tevratu i Indžilu naučio; i kada si, voljom Mojom, od blata nešto poput ptice napravio i u nju udahnuo, i kada je ona, voljom Mojom, postala ptica; i kada si, voljom Mojom, od rođenja slijepa i gubavca iscijelio; i kada si, voljom Mojom, mrtve dizao; i kada sam od tebe sinove Israilove odbio, kad si im ti jasne dokaze donio, pa su oni među njima koji nisu vjerovali - povikali: 'Ovo nije ništa drugo do prava vradžbina!)

(Al-Ma'ide /Trpeza, 5:110)

S druge strane, poslanik Muhammed, sallallahu alejhi ve selem, se spominje u Časnom Kur'anu četiri puta, dok se Merjem, a.s., (Marija) majka Isaa, a.s., (Isusa) spominje osam puta, i jedno cijelo poglavlje (sura) se naziva njenim imenom.

U 45. ajetu sure (poglavlja) Ali Imran (Imranova porodica) Allah Sveznajući kaže: «**A** kada meleki rekoše: "O Merjema, Allah ti javlja radosnu vijest, od Njega Riječ: ime će mu biti Mesih, Isa, sin Merjemin, biće viđen i na ovome i na onome svijetu i jedan od Allahu bliskih.» (Ali 'Imran /Imranova porodica, 3:45)

Oni se u Kur'anu spominju kao porodica Ali Imran tri puta, a cijelo poglavlje (sura) Ali 'Imran (Imranova porodica), koja će ostati urezana u umove i srca vjernika, zauvijek je dobila ime po njima.



Islam i džihad

Jedan od najčešće pogrešno protumačenih pojmova u islamu je riječ džihad. Nažalost, riječ džihad se zloupotrebljava i veliki broj ljudi povezuje tu riječ sa svetim ratom i terorizmom. Riječ džihad ima sljedeća značenja: ulaganje truda, napora, borba, pružanje otpora. Njeno značenje se u potpunosti suprostavlja ugnjetavanju, progonu i tiraniji.

Termin džihad se također može tumačiti kao ulaganje fizičkog napora (borba). Tada se termin koristi kao posljednji pokušaj ili izlaz za okončanje kršenja tuđih prava i završetak bilo kojeg drugog oblika agresije. Čak i za vrijeme rata, muslimanima je naređeno da pokažu suosjećanje i moral. Mučenje i povrede civila (žena, djece i staraca) za vrijeme rata je strogo zabranjeno.

Kazao je poslanik Muhammed, (sallallahu alejhi ve selem): „*Borite se u ime Boga (Allaha), i za Božiju (Allah-ovu) stvar/riječ... ne kršite ugovor (sporazum), ne sakatite (masakrirajte) i ne ubijajte djecu.*” (Hadis bilježi Muslim)

Islam također zabranjuje uništavanje i oštećivanje bogomolja, ubijanje i ranjavanje stoke te uništavanje drveća.



Kada je prvi halifa (vladar) Ebu Bekr Es-Sidik, poslije Poslanika, sallallahu alejhi ve selem, slao muslimanske vojske u borbu protiv nemuslimana, uvijek je savjetovao zapovjednike muslimanske vojske sljedećim riječima: „*Naređujem vam deset stvari. Naučite ih napamet. Da nećete razočarati, da nećete varati (krasti ratni plijen) ili prekidati ugovor. Ne smijete sakatiti (masakr činiti), ubijati žene, djecu i starije osobe. Ne smijete čupati ili spaljivati palme te uništavati voćnjake, klati ovce, krave ili deve, osim za jelo, i znajte da ćete naići na ljude koji žive osamljeni u manastirima, pa ostavite njih i to čemu su posvećeni na miru.*” (Prenosi Taberi, 3.dio)



Poslanik, sallallahu alejhi ve selem, je rekao svojim ashabima (drugovima / sljedbenicima) najveći džihad (borba) je džihad (borba) protiv svoga nefsa / prohtjeva).

„*Mudžahid⁽¹⁾ (borac) je onaj koji se bori protiv svoga nefsa (prohtjeva) kako bi bio pokoran Uzvišenom Allahu.*” (Hadis bilježi Ibn Hibban)

Ostali oblici (vrste) džihada:

► Prenošenje poruke islama nemuslimanima; strpljenje i tolerancija u dostavljanju poruke.

Allah (Bog) kaže: ﴿**Zato ne čini nevjernicima ustupke i Kur'anom se svim silama protiv njih bori.**﴾ (Al-Furqan /Furkan, 25:52)

1 Mudžahid – termin koji se koristi za opisivanje onih koji vode džihad (borbu).



- ▶ Naređivanje dobra i zabranjivanje zla. Ovo je bio način i pristup svih poslanika i vjerovjesnika, a i onih koji ih istinski slijede.

Poslanik, sallallahu alejhi ve selem, je kazao: „*Svaki poslanik prije mene imao je među svojim ljudima pomagače i sljedbenike koji su uspostavljali Božije propise. Poslije njih pojavit će se generacije ljudi koji će govoriti a u njihovom govoru neće biti istine. Ko god se bude borio (tj. vodio džihad) protiv njih je vjernik, svako ko bude opovrgavao ono što oni budu govorili je vjernik i svako ko u svom srcu bude mrzio i prezirao ono što oni budu radili je vjernik.*” (Hadis bilježi Muslim)

- ▶ Ljubaznost prema ljudima; činiti ih sretnima i biti strpljiv s njima je također vrsta džihada.

Poslanik, sallallahu alejhi ve selem, je kazao: „*Onaj koji se bude brinuo o udovicama i siromasima je kao mudžahid na Allahovom putu, ili kao onaj koji po čitavu noć klanja a danju posti!*“ (Hadis bilježi Buhari)

- ▶ Izučavanje korisnih nauka je također oblik džihada.

Kaže Poslanik, sallallahu alejhi ve selem: „*Ko god dođe u moju džamiju (tj. u Medinu), da bi naučio korisne nauke, bio bi kao mudžahid na Allahovom (Božijem) putu.*” (Hadis bilježi Ibn Madže)

- ▶ Kazati riječ pravde/istine je vrsta džihada.

Poslanik, sallallahu alejhi ve sellem, je kazao: „*Najbolja vrsta džihada je reći riječ pravde/istine nepravednom vladaru.*” (Hadis bilježi Ebu Davud)

- ▶ Dobročinstvo prema roditeljima je vrsta džihada.

Došao je neki čovjek Allahovom Poslaniku, sallallahu alejhi ve selleme, i tražio od njega dozvolu da ode u džihad, pa ga je poslanik, sallallahu alejhi ve selleme upitao: „*Da li su ti živi roditelji?*“ On odgovori: „*Da!*“ Tad mu on reče: „*Idi njima, tamo ti je džihad!*“ (Hadis bilježe Buhari i Muslim)

- ▶ Obavljanje hadža i umre (hodočašća u Meki) su dvije vrste džihada.

Poslanik, sallallahu alejhi ve selleme, je kazao: „*Obavljanje hadža je džihad, a obavljanje umre je dobrovoljni čin.*” (Hadis bilježi Ibn Madže)

- Obavljanje molitve (namaza) u džamiji je vrsta džihada.

Poslanik, sallallahu alejhi ve sellem, je kazao: „*Od-lazak u džamije (mesdžide) radi obavljanja molitve (namaza) je džihad na Allahovom putu.*” (Hadis bilježi Taberani)

Sva dobra djela idu pod ove oblike/vrste džihada. Musliman mora uvijek dati sve od sebe i mora težiti tome da bude bolja osoba.



Islam - religija mira


Islam znači pokornost i predanost Allahu, živjeti život u skladu sa Njegovim naredbama, ne pripisivati Mu druga (ne činiti širk), odnosno izbjegavati svaku vrstu idolopoklonstva. Ne postoji nikakvo dobro po nas, a da ga islam nije odredio/propisao i ne postoji nikakva šteta po nas, a da ga islam nije zabranio. Život po islamskim normama/načelima garantuje poštovanje, sigurnost i mir za sve, jer islamski sistem u cjelini štiti prava svih.

Kaže Allah: ﴿Reci: „Dođite da vam kažem šta vam Gospodar vaš propisuje; da Mu ništa ne pridružujete, da roditeljima dobro činite, da djecu svoju, zbog neimaštine, ne ubijate - Mi i vas i njih hranimo - ne približujte se nevaljalštinama, bile javne ili tajne; ne ubijajte onog koga je Allah zabranio ubiti, osim kada to pravda zahtijeva - eto, to vam On preporučuje da biste razmislili - i da se imetku siročeta ne približavate, osim na najljepši način, sve dok punoljetno ne postane, i da krivo na litru i na kantaru ne mjerite - Mi nikoga preko njegove mogućnosti ne zadužujemo - i kad govorite, da krivo ne govorite, pa makar se ticalo i srodnika, i da obaveze prema



Allahu ne kršite - eto, to vam On naređuje da biste to na umu imali.» (Al-An'am /Stoka, 6:151-152)

Allah Uzvišeni također kaže: **«Allah zahtijeva da se svačije pravo poštuje, dobro čini, i da se bližnjima udjeljuje, a razvrat i sve što je odvratno i nasilje zabranjuje; da pouku primite, On vas savjetuje.»** (An-Nahl /Pčele, 16:90)



Prema tome, islam kao religija zagovara i vjeruje u mir u svakom aspektu, što također važi za unutrašnjost muslimanskog društva, kao što Allah kaže: **«A oni koji vjernike i vjernice vrijeđaju, a oni to ne zaslužuju, toware na sebe klevetu i pravi grijeh.»** (Al-Ahzab / Saveznici, 33:58)

Kaže Poslanik, (sallallahu alejhi ve selleme): *„Musliman je onaj od čijeg jezika i ruku su sigurni drugi muslimani, a muhadžir je onaj koji je napustio ono što je Allah zabranio.”* (Hadis bilježe Buhari i Muslim)

Također je kazao Poslanik, sallallahu alejhi ve selleme: *„Musliman je onaj od čijeg jezika i ruku su sigurni ljudi. A mu'min je onaj u koga ljudi imaju povjerenje po pitanju krvi i imetka.”* (Hadis bilježe Ahmed, Tirmizi, Nesai i drugi.)

Islam podržava mir na međunarodnom nivou, podržava uspostavljanje prijateljskih odnosa koji se grade na sigurnosti, stabilnosti i osnovnim islamskim principima. Muslimanske zajednice/društva ne smiju napadati druge zajednice/društva, a posebno ne one koji su iskreni u svom odnosu prema vjeri i koji ne pokazuju neprijateljstvo prema njenim sljedbenicima.

To je u skladu sa sljedećim Allahovim riječima: **«O vjernici, živite svi u miru i ne idite stopama šejtanovim; on vam je, zaista, neprijatelj otvoreni.»** (Al-Baqara /Krava, 2:208)

Islam nalaže pravednost i zabranjuje ugnjetavanje, pa čak i za one koji su neprijateljski nastrojeni prema muslimanima.

Allah kaže u Kur'anu: **«O vjernici, dužnosti prema Allahu izvršavajte, i pravedno svjedočite! Neka vas mržnja koju prema nekim ljudima nosite nikako ne navede da nepravedni budete! Pravedni budite, to je najbliže čestitosti, i bojte se Allaha, jer Allah dobro zna ono što činite!»** (Al-Ma'ide /Trpeza, 5:8)



السلام عليكم



► **As-salam**, znači mir (miran), i to je jedno od Božijih (Allahovih) imena.

﴿On je Allah - nema istinskog boga osim Njega, Vladar, Sveti, Onaj koji je bez nedostataka, Onaj koji svakoga osigurava, Onaj koji nad svim bdi, Silni, Uzvišeni, Gordi. Hvaljen neka je Allah, On je vrlo visoko iznad onih koje smatraju Njemu ravnim!﴾ (Al-Hašr / Progonstvo, 59:23)

► **As-salam** je jedno od imena Dženneta (Rajskog vrta).

Kaže Allah: ﴿a na Dan kad oni pred Njega stanu, On će ih pozdravljati sa: "Mir vama!" - i On im je pripremio nagradu plemenitu.﴾ (Al-Ahzab / Saveznici, 33:44)

► **As-salam** je pozdrav svih muslimana. *Esselamu 'alejkum znači Neka je mir na vas.* To je pozdrav koji donosi spokoj i mir za pozdravljene i one koji ih pozdravljaju. Suštinski razlog tog pozdrava se nalazi u samom izrazu koji sadrži sigurnost i spokoj. Poslanik, (sallallahu alejhi ve selleme), je kazao da ovo djelo (pozdrav) usavršava vjeru kod pojedinca.

Kaže Poslanik, (sallallahu alejhi ve selleme): „Nećete ući u Džennet (Raj) sve dok ne povjerujete, a nećete vjerovati sve dok se ne zavolite. Želite li da vas uputim na djelo koje će učiniti da se međusobno zavolite? Širite selam među vama!” (Hadis bilježi Muslim)

Poslanik, (sallallahu alejhi ve selleme), je kazao da širenje *selama* (mira / pozdrava) spada u jedno od najboljih djela jer širenje selama (širenje mira) otklanja mržnju među ljudima. Upitan je Poslanik, (sallallahu alejhi ve selleme): “Šta je po islamu najbolje činiti?” Kazao je: „Da nahraniš gladnog i da nazivaš selam onome koga poznaješ i koga ne poznaješ.” (Hadis bilježe Buhari i Muslim)

Islam je donio i uveo nova pravila i zakone u različitim oblastima ljudskog života, kao npr. u međuljudskim odnosima, trgovini, braku, ekonomiji, politici, ratu, obožavanju itd. Primjena tih pravila i zakona rezultira jednim idealnim i čestitim društvom koje regulira odnos između muslimana i njihovog Gospodara, ljudske zajednice i svijeta, te prirode i čovjeka. Cijelo čovječanstvo nije u mogućnosti stvoriti nešto što nalikuje islamu, što samo po sebi predstavlja potpunu i savršenu religiju, koja zasluhuje da se u nju poziva i da se cijeni i poštuje.

13

Islam i društvo

Islam nam nalaže da štitimo i njegujemo okolinu u kojoj živimo, zabranjuje nam njeno zagađivanje na bilo koji način i podstiče nas:



► Da sadimo i uzgajamo stabla i korisno bilje.

Poslanik, sallallahu alejhi ve selleme, je kazao: „*Nema muslimana koji će zasaditi drveće, bilje ili žitarice čije će plodove i sjemenke jesti ptice, ljudi i životinje, a da mu se to djelo neće upisati kao sadaka (dobro djelo).*” (Hadis bilježi Buhari)

► Da uklanjamo sve što bi nam moglo prouzrokovati / nanijeti štetu.

Muhammed, sallallahu alejhi ve selleme, je kazao: „*Uklanjanje štetnih stvari sa puta spada u dobra djela.*” (Hadis bilježi Buhari)



► Da se u slučaju širenja zaraznih bolesti i epidemija žrtve smjeste u karantinu i izoluju, kako bi na taj način spriječili širenje bolesti u druge zajednice i zaštitili živote drugih ljudi.

Poslanik islama, Muhammed, sallallahu alejhi ve selleme, je kazao: „*Kada čujete da se u jednoj zemlji pojavila kolera (zarazna bolest), nemojte ulaziti u nju. A ko se nađe u njoj, neka nipošto ne izlazi iz nje.*” (Hadis bilježi Buhari)

► Da neopravdano ubijamo životinje i ptice.

Poslanik islama, Muhammed, sallallahu alejhi ve selleme, je kazao: „*Ko ubije vrapca iz zabave, vrabac će na Sudnjem danu doći Allahu vičući: „Gospodaru, taj i taj me ubio iz zabave, a nije me ubio radi neke koristi.*” (Hadis bilježi Nesai)

► Da ne prljamo i ne zagađujemo okoliš na bilo koji način.



Poslanik islama, Muhammed, sallallahu alejhi ve sellem, je kazao: „*Bojte se da učinite dvije stvari čiji su počinioci prokleti.*” Prisutni upitaše: „A koje su to dvije stvari, Allahov Poslaniče?”, a on reče: „*Obavljanje nužde po putevima i mjestima gdje se ljudi odmaraju.*” (Hadis bilježi Muslim)



Islam i čistoća

Islam je vjera čistoće.

Kaže Allah: ﴿O sinovi Ademovi, lijepo se obucite kad hoćete molitvu obaviti! I jedite i pijte, samo ne pretjerujte; On ne voli one koji pretjeruju.﴾ (Al-A'raf /Bedemi, 7:31)

Islam je religija čednosti.

Kaže Allah: ﴿I pitaju te o mjesečnom pranju. Reci: “To je neprijatnost.” Zato ne općite sa ženama za vrijeme mjesečnog pranja, i ne prilazite im dok se ne okupaju. A kada se okupaju, onda im prilazite onako kako vam je Allah naredio. - Allah zaista voli one koji se često kaju i voli one koji se mnogo čiste.﴾ (Al-Baqara/ Krava, 2:222)

Čistoća je uvjet da bi namaz (molitva) bio ispravan, odnosno smatrao se važećim, jer namaz je čin obožavanja Allaha (Boga) koji musliman obavlja najmanje pet puta u toku dana i noći. Islam također strogo propisuje kupanje (ar. gusul) nakon ejakulacije, seksualnog odnosa, hajza i nifasa (stanja džunupluka). Kupanje se također preporučuje prije obavljanja obreda koji imaju simbolički značaj u islamu, kao što su npr. džuma namaz (molitva koja se obavlja svakog petka), zatim prije obavljanja hadža ili 'umre (tzv. velikog i malog hodočašća u Meki).

Kaže Allah u Plemenitom Kur'anu: ﴿O vjernici, kad hoćete molitvu obaviti, lica svoja i ruke svoje do iza lakata operite - a dio glava svojih potarite - i noge svoje do iza članaka; a ako ste džunubi, onda se okupajte; a ako ste bolesni ili na putu ili ako ste izvršili prirodnu potrebu ili ako ste se sastajali sa ženama, a ne našete vode, onda rukama svojim čistu zemlju dotaknite i njima preko lica svojih i ruku svojih pređite. Allah ne želi da vam pričini poteškoće, već želi da vas



- „Bašta lavova“ u Alhambri, izgrađena u Andaluziji (današnjoj Španiji), nekada je bila pod vladavinom muslimana.



učini čistim i da vam blagodat Svoju upotpuni, da biste bili zahvalni.﴾

(Al-Ma'ide /Trpeza, 5:6)

Islam podstiče ljude da peru ruke prije i poslije jela. Allahov Poslanik Muhammed, (sallallahu alejhi ve selleme), je kazao: „*Jelo je blagoslovljeno kada se peru ruke prije i poslije jela.*” (Hadis bilježi Tirmizi)

Islam podstiče na održavanje čistoće u ustima i čišćenje zuba. Poslanik islama, Muhammed, (sallallahu alejhi ve selleme), je kazao: „*Da se ne bojim da ću opteretiti svoje sljedbenike, naredio bih im da upotrebljavaju misvak prije svakog namaza.*” (Hadis bilježi Buhari)

Islam također podstiče čovjeka da uređuje i čisti mjesta na tijelu koja mogu postati leglo za razne bakterije i prljavštinu. Poslanik islama, Muhammed, (sallallahu alejhi ve selleme), je kazao: „*Pet stvari se ubraja u prirodna obilježja čovjeka: obrezivanje (sunećenje), uklanjanje dlaka sa stidnog mjesta, skraćivanje brkova, rezanje noktiju i uklanjanje dlaka ispod pazuha.*” (Hadis bilježi Buhari)



Islam i nauka

Islam kao religija podstiče sve ljude da traže i povećaju svoje znanje, a ignoriše neukost i upozorava od neznanja.

Kaže Allah: ﴿**Allah će na visoke stepene uzdignuti one među vama koji vjeruju i kojima je dato znanje. - A Allah dobro zna ono što radite.**﴾ (Al-Mugadala /Rasprava, 58:11)

Islam smatra da je napor, koji se ulaže u traženje, učenje i izučavanje nauke, jedan od načina (puteva) koji vode ka Džennetu (Raju).

Poslanik islama, Muhammed, (sallallahu alejhi ve selleme), je kazao: „*Ko se uputi putem tražeći na njemu znanje, Allah će mu olakšati put u Džennet.*” (Hadis bilježi Ebu Davud)

Islam zabranjuje da se znanje koje koristi ljudima drži u tajnosti i skriva od ljudi, jer je traženje znanja dužnost i obaveza svakog čovjeka.

Poslanik islama, Muhammed, (sallallahu alejhi ve selleme), je kazao: „*Ko bude o nečemu upitan, pa svoje znanje o tome prekrije, doći će na Sudnji dan zauzdan uzdama od vatre.*” (Hadis bilježi Ebu Davud)

Učenjaci (naučnici) u islamu uživaju veliki ugled i zauzimaju važno mjesto u društvu.

Poslanik islama, Muhammed, (sallallahu alejhi ve selleme), je kazao: „*Nama ne pripada onaj ko ne poštuje starije i ko nema milosti prema mlađima i ne priznaje našim učenjacima njihovo pravo.*” (Hadis bilježi imam Ahmed)

Poslanik islama, Muhammed, (sallallahu alejhi ve selleme), nam je objasnio kakav status učenjak ima u društvu kada je kazao: „*Razlika između učenjaka i neukoga je kao razlika mene sa posljednjim od vas.*” (Hadis bilježi Tirmiz)

* C.H. Haskins



Utjecaj islamske civilizacije na modernu nauku

Svako onaj ko pogleda unazad i prostudira korijene koji su doprinijeli razvoju i napredovanju moderne nauke i tehnologije, može sasvim pravedno zaključiti da je tome doprinijela upravo islamska civilizacija i njeni naučnici.


C.H. Haskins⁽¹⁾ (Čarls Homer Haskins) je rekao: „*Činjenica je da su Arapi u Španiji bili glavni izvor novih nauka i proučavanja u Zapadnoj Evropi*”.

Oni su ti koji su postavili temelje moderne napredne civilizacije. Svako ko se osvrne na knjigu „*Dictionary of Technical Terms for Aerospace*”⁽²⁾ može zaključiti da šezdeset posto (60%) od poznatih zvijezda u galaksiji nosi ime koje dolazi porijeklom iz arapskoga jezika.

Knjige i naučna djela od ranijih muslimanskih naučnika su bili i ostali glavni izvori naučnih tekstova od kojih se

1 Haskins, Charles Homer (1870-1937), američki historičar, stručnjak i autoritet srednjovjekovne historije.

2 “Dictionary of Technical Terms of Aerospace” - William H. Allen (Rječnik tehničkih termina u zemljinoj atmosferi i svemiru), prvo izdanje.




* Marquess of Dufferin




Zapad okoristio, a posebno Evropljani koji su koristili ova naučna djela i naučne tekstove za vrijeme njihove renesanse, odnosno njihovog preporoda. Mnogi od ovih naučnih tekstova i djela se još uvijek koriste na nekim evropskim univerzitetima.

Marquess of Dufferin and Ava (Vojvoda od Duferina i Ave) je rekao: „*Evropa se mora zahvaliti muslimanskoj nauci, te muslimanskoj umjetnosti i muslimanskoj literaturi za njen spas iz tame i izlaz iz mraka srednjeg vijeka.*”⁽¹⁾

J.H. Denison je rekao: „U petom i šestom stoljeću, civilizirani svijet je stajao na ivici općeg haosa. Stare kulture, koje su stvorile civilizaciju, ljudima su pružile osjećaj jedinstva, a njihovim vladarima poštovanje, našle su se pred kolapsom, jer ništa adekvatno umjesto njih nije bilo pronađeno što bi ih u potpunosti moglo zamijeniti. U to vrijeme činilo se da su velike civilizacije koje su se gradile četiri hiljade godina bile na rubu raspada, i da je čovječanstvo bilo na putu da se vrati u stanje barbarizma, gdje se svako pleme i sekta bore jedni protiv drugih i gdje su red i zakon bili nepoznati.



* J.H. Denison



illuminating Europe's Dark Ages

- Naučno znanje (nauka) koja je nastala u Indiji, Kini i u helenističkom svijetu je bila tražena od muslimanskih naučnika (učenjaka), da bi se potom prevela, rafinirala, sintetizirala, proširila i proučavala u tadašnjim različitim naučnim centrima i na različitim univerzitetima u islamskom svijetu odakle je rašireno i preneseno u Zapadnu Evropu. (History of Medicine, Arab roots of European Medicine, David W. Tschanz, MSPH, PhD). Pogledaj također: <http://www.hmc.org.qa/hmc/heartviews/HV-v420%N29/.htm>

1 Speeches Delivered in India, (Predavanja u Indiji), London 1890, str. 24.

Stara plemenska pravila kažnjavanja izgubila su svoju moć i smisao, a nova pravila kažnjavanja, koje je stvorilo kršćanstvo, dovela su umjesto mira i jedinstva, do razdora i destrukcije. To vrijeme je bilo ispunjeno raznim tragedijama.

- Anatomija oka - slika je uzeta iz stare (drevne) knjige muslimanskog doktora.



Civilizacija, koja je ličila na jedno veliko stablo, čije se lišće protezalo širom svijeta i čije su se grane savijale od tereta zlatnih plodova umjetnosti, različitih znanosti i književnosti, bilo je nestabilno i truhlo.

Da li je tada bilo emocionalne kulture koja bi mogla opet ujediniti čovječanstvo i spasiti civilizaciju? Među takvim ljudima rođen je ovaj čovjek (Muhammed), koji je kasnije ujedinio cijeli svijet od istoka i juga.”⁽¹⁾

Muslimani su napredovali u svim tehničkim, naučnim i intelektualnim oblastima, tako da ćemo ovdje spomenuti neke od najistaknutijih muslimanskih naučnika iz raznih naučnih oblasti.

► **El-Havarizmi** (780-850 g.) je bio veliki učenjak u matematičkim oblastima kao što su algebra, logaritmi i geometrija. Bio je možda i jedan od najvećih matematičara koji su ikada živjeli. Izumitelj je algebre i nekoliko drugih naučnih oblasti iz matematike.

► **El-Biruni** (973-1050 g.) je bio veliki učenjak u mnogim oblastima. On je pisao o astronomiji, matematici, geografiji, mehanici, farmakologiji i povijesti. Al-Biruni je zastupao teoriju o rotaciji zemljane kugle oko zemljine ose šest stotina godina prije Galileja.

Njemački orijentalista **E. Sachau** je rekao sljedeće o El-Biruniu: „*Bio je najveći intelektualac za kojega se ikada znalo.*”

Mi muslimani smatramo da je najveći intelektualac kojeg poznaje ljudski rod naš poslanik Muhammed, (sallallahu alejhi ve selleme).



- Astrolab (lat. Astrolabium) je vrlo važan uređaj kojeg su izmislili muslimani za navigaciju. Istaknute kuke na uređaju označavaju pozicije poznatih zvijezda koje posmatrač koristi. Pozadina na ovome primjeru uređaja pokazuje postavke koordinatnih linija. Izvor: (Whipple Museum of the History of Science in Cambridge).

1 “Emotion as the Basis of Civilization” (Emocije kao osnova civilizacije) London, 1928, str. 265, 269.



Iz oblasti medicine i farmacije su muslimanski učenjaci (naučnici) iza sebe ostavili jedno veliko bogatstvo znanja u svojim radovima i djelima, koji su korišteni za razvoj i napredak današnje moderne medicine. Među njima su se nalazili i sljedeći naučnici:

▶ **Ibn Rušd**, poznat kao Averroes (1126-1198 g.) je bio andaluzijski filozof i ljekar, magistar filozofije i islamskog prava, te matematike i medicine.



* Ibn Rušd

▶ **Ibn An-Nafis** (1213-1288 g.) je bio doktor koji je najviše poznat po tome da je prvi opisao cirkulaciju krvi u plućima. Otkrio je krvnu cirkulaciju u plućima nekoliko stotina godina prije Engleza Harvija (Harvey) i Španca Miguela Serveta.

▶ **Ammar ibn Ali Al-Mosuli** je bio vrlo vješt u oftalmologiji (nauka o građi, funkciji, poremećajima i bolestima očiju). On je izmislio specijalne instrumente koji se koriste za vrijeme operacije, kao na primjer špricu, šuplju iglu.



* Ibn An-Nafis

▶ **El-Hasan ibn Al-Haytham** (lat. Alhazen 965-1040 g.) je bio veliki matematičar. Bio je prvak u optici, inženjerstvu i astronomiji.


Prema tvrdnjama Giambattista della Porta, El-Hasan je bio prvi koji je objasnio očigledno povećavanje veličine mjeseca i sunca u blizini horizonta. Njegovo naučno djelo *Kitab al-Manazir* (Knjiga o optici) u sedam tomova je eventualno i jedno od prvih naučnih djela u kojem su korišteni naučni metodi. On je koristio rezultate eksperimenata u testiranju teorija.



* Abu Bakr Ar-Razi

▶ **El-Mansuri i Ebu Bakr Ar-Razi** su bili poznati, svestrani ljekari koji su doprinijeli u temeljnim oblastima medicine i filozofije.


▶ **Muwaffaq Al-Bagdadi i Ebu Qasim Az-Zahrawi (Abulcasis)** su poznati u klinikama, jer su napisali knjige sa ilustrativnim slikama hirurškoga alata i priručnike za upotrebu alata koji se koriste u hirurškim operacijama.



* Az-Zahrawi

A po pitanju geografije i geologije mogu se mnogi poznati učenjaci spomenuti, među kojima je:

- Na slici su prikazani unutrašnji ljudski organi i cirkulacija krvi u ljudskom tijelu. Slika je uzeta iz drevne knjige muslimanskog doktora.



* Šarif Al-Idrisi

► **Šarif Al-Idrisi** (1100-1165 g.) je kartograf, geograf i avanturista. Bio je poznat po svojim geografskim mapama cijeloga svijeta, a izumio je također navigacijske instrumente. Mnogi muslimanski učenjaci su doprinijeli u napretku civilizacije, a svako ko želi povećati svoje znanje o tome trebao bi pregledati sve knjige koje su napisane o ovoj temi, jer dosta naučnih i istraživačkih djela koje su napisali muslimani se plagiralo i mnogo puta pogrešno pripisalo drugima.

Major Arthur Glyn Leonard je rekao: *“Ne možemo mi sada, koji smatramo sebe najvišim vrhom kulture i civilizacije, negirati ogromnu kulturnu baštinu, bogatu civilizaciju, ispravnost njihovog sistema i intelektualnost arapskih velikana koji su doprinijeli svojim naukama da Evropa ne potone u mrak neznanja?”*⁽¹⁾



- Ova sprava (figura) prikazuje kako je izgledao model Sunčevog sistema iz Bagdada u 12. vijeku.



Neke od vrlina islamske civilizacije

► Traženje znanja je vjerska dužnost na koju islam podstiče svoje sljedbenike (tj. muslimane) da je ispune.

► Muslimanski učenjaci (naučnici) su u prošlosti koristili svoje znanje u svrhu ojačanja vjere u ljudskom životu, za razliku od današnjih naučnika koji koriste svoje znanje da bi oslabili ili, pak, potpuno odstranili vjeru iz života ljudi.

1 „Islam – Her Moral and Spiritual Values” Londonu, 1927. godine, str. 20-21




- ▶ Muslimanski učenjaci (naučnici) su u prošlosti sa svojim znanjem bili na usluzi cijelom čovječanstvu, za razliku od većine današnjih naučnika koji svoje znanje koriste za lične (egoistične) ciljeve. Svjedoci smo da su naučnici izumili atomske i hidrogenske bombe i druga oružja za masovno uništenje ljudi, da bi na taj način kontrolisali sva prirodna bogatstva u svijetu.
- ▶ Muslimanski učenjaci (naučnici) iz prošlosti, za razliku od današnjih naučnika, širili su svoje znanje i svoje izume, da bi ljudi imali koristi od toga. Današnji naučnici zloupotrebljavaju i skrivaju svoje znanje i izume, ostavljaju ih za sebe ili za svoju zemlju, kako bi spriječili drugima pristup tom istom znanju ili izumu.
- ▶ Muslimanski učenjaci (naučnici) su težili da postignu Allahovu (Božiju) milost, zadovoljstvo i nagradu za svoje naučne izume, dok većina današnjih naučnika želi da im se materijalno nadoknadi njihov trud, da unovče svoje znanje i izume.



Naučni dokazi u nekoliko Kur'anskih ajeta

Kaže Allah: ﴿Stvaranje nebesa i Zemlje, smjena noći i dana, lađa koja morem plovi s korisnim tovarom za ljude, kiša koju Allah spušta s neba pa tako u život vraća zemlju nakon mrtvila njezina - po kojoj je rasijao svakojaka živa bića, promjena vjetrova, oblaci koji između neba i Zemlje lebde - doista su dokazi za one koji imaju pameti.﴾

(Al-Baqara /Krava, 2:164)



Kur'an je objavljen poslaniku Muhammedu, (sallallahu alejhi ve selleme), koji je bio nepismen jer nije znao ni čitati ni pisati, a njegov narod (Arapi iz tog podneblja) su bili većinom nepismeni ljudi. Stoga se možemo zapitati kako je bilo moguće da jedan nepismen čovjek osvoji srca najrječitih ljudi!


Kaže Allah: ﴿Reci: „Kad bi se svi ljudi i džini udružili da sačine jedan ovakav Kur'an, oni, takav kao što je on, ne bi sačinili, pa makar jedni drugima pomagali.”﴾

(Al-Isra' /Noćno putovanje, 17:88)

Poslanik, (sallallahu alejhi ve selleme), i mnogi njegovi drugovi su bili oskudni, a i pored takvoga stanja on bi im učio kur'anske ajete (rečenice) koji su sadržavali naučne činjenice, a koje je moderna nauka otkrila uz pomoć savremene opreme 1400 godina nakon objave Kur'ana.

Thomas Carlyle je kazao: *“Tvrditi da je prevarant izmislio jednu religiju? Hm, zašto to tvrditi kada jedan prevarant ne može ni jednu kuću od cigle sagraditi, jer ako ne zna raditi sa malterom, spaljenom glinom i svim ostalim što je potrebno za izgradnju kuće, rezultat njegovog rada ne bi bila kuća izgrađena od cigle već samo jedna gomila kamenja. Dakle, ta izgrađena kuća ne bi mogla stajati 1200 godina i ne bi mogla primiti 180 miliona ljudi, već bi odmah kolapsirala i naravno srušila se.”⁽¹⁾*

- Ova slika prikazuje naš Sunčev sistem



- Slika prikazuje zvijezdu koja je formirana od međuzvjezdane materije.



Kur'an i stvaranje svijeta

Kaže Allah: ﴿Allah iz ničega stvara, On će to ponovo učiniti i na kraju Njemu ćete se vratiti.﴾ (Ar-Rum / Bizantinci, 30:11)

Allah jasno navodi u ovom ajetu (rečenici) da je On taj

1 „Heroes” (Heroji), obožavanja heroja i historija heroja.



koji je stvorio stvorenja u ovom univerzumu iz ničega. Ovo se navodi jasno u Kur'anu koji je Allahova (Božija) riječ i ovako Allah, Sveznajući opisuje početak svijeta: **«On je stvoritelj nebesa i Zemlje, i kada nešto odluči, za to samo rekne: “Budi!” - i ono bude.»** (Al-Baqara /Krava, 2:117)

إِنَّا قَضَىٰ آمْرًا إِذَا قَامَا يَقُولَانِ لَكُم فَيَكُونَانِ

- «i kada nešto odluči, za to samo rekne: “Budi!” - i ono bude.» (Al-Baqara /Krava, 2:117).


U ovom ajetu Allah obavještava da je univerzum nastao iz ničega i da sve što se dogodilo prije stvaranja desilo se iz znanja nevidljivog svijeta, što samo Allah zna, jer ljudski razum nije u stanju shvatiti i razumjeti svrhu prvog stvaranja. Allah nas nije obavijestio o tome. Ljudi mogu samo donositi hipoteze i teorije u vezi s tim.

Kaže Allah: **«Ja nisam uzimao njih za svjedoke prilikom stvaranja nebesa i Zemlje ni neke od njih prilikom stvaranja drugih i za pomagače nisam uzimao one koji na krivi put upućuju.»** (Al-Kahf / Pećina, 18:51)

Kaže Allah: **«Zar ne znaju nevjernici da su nebesa i Zemlja bili jedna cjelina, pa smo ih Mi raskomadali, i da Mi od vode sve živo stvaramo? I zar neće vjerovati?»** (Al-Anbiya' /Vjerovjesnici, 21:30)

Ovaj ajet cilja nedvosmisleno na to da je Allah stvorio svemir iz jedne cjeline, te da je On Sposoban da sve stvori. Allah je zapovjedio toj „jednoj cjelini,“ da se rasprsne, što se i desilo da bi se nakon toga ta cjelina pretvorila u maglinu. Iz ove magline je Allah stvorio nebesa i Zemlju.


To stvaranje svemira je opisano sljedećim Allahovim riječima u Kur'anu: **«Reci: „Zar, zaista, nećete da vjerujete u Onoga koji je u dva vremenska razdoblja Zemlju stvorio - i još Mu druge ravnim smatrate? To je Gospodar svjetova!”** On je nepomična brda po njoj stvorio i blagoslovljenom je učinio i proizvode njezine na njoj odredio, sve to u četiri



- Slika pokazuje širenje univerzuma.

vremenska razdoblja - ovo je objašnjenje za one koji pitaju, zatim se nebeskim visinama uputio dok je nebo još maglina bilo, pa njemu i Zemlji rekao: „Pojavite se milom ili silom!” - „Pojavljujemo se drage volje!” - odgovorili su, pa ih u dva vremenska razdoblja, kao sedam nebesa, stvorio, i odredio šta će se u svakom nebu nalaziti. A nebo najbliže sjajnim

- Slika prikazuje našu galaksiju i različite planete.



zvijezdama smo ukrali i nadnjim Mi bdijemo. To je odredba Silnoga i Sveznajućega.» (Fussilat / Objašnjenje, 41:9-12)

Svemir je nastao iz jedne cjeline i to je rezultiralo ono što se danas zove teorijom „velikog praska“ (eng. Big Bang).⁽¹⁾

Kaže Allah: ﴿zatim se nebeskim visinama uputio

dok je nebo još maglina bilo, pa njemu i Zemlji rekao: “Pojavite se milom ili silom!” - “Pojavljujemo se drage volje!” - odgovorili su.﴾ (Fussilat /Objašnjenje, 41:11)

Ovaj ajet potvrđuje da je nebo u njegovoj ranoj fazi bilo maglina, što također potvrđuje i moderna nauka.



* James H. Jeans

James H. Jeans je rekao: „Otkrili smo ono što je Njtn (Newton) pretpostavljao, da jedna rasuta i haotična masa plina u znatno velikoj gustoći i mjeri je dinamički nestabilna, jer bi jezgro u njoj imalo tendenciju da formira sve materije koje bi se u konačnici kondenzovale.”⁽²⁾

- 1 „Un Univers homogène de masse constante et de rayon croissant rendant compte de la vitesse radiale des nébuleuses extragalactiques”. Lemaître G. (1927). Annals of the Scientific Society of Brussels 47A: 41. Prevedeno: (1931). „A homogeneous universe of constant mass and growing radius accounting for the radial velocity of extragalactic nebulae”. „Monthly Notices of the Royal Astronomical Society” (91: 483-490).
- 2 „Astronomy i Cosmonogy” (Astronomija i Kozmogonija) - Sir James H. Jeans, str. 15.



Kur'an o ekspanziji svemira

Kaže Allah: **«Mi smo nebo moći Svojoj sazdali, a Mi, uistinu, još neizmjerljivo mnogo možemo.»** (Ad-Dariyat /Oni koji pušu, 51:47)

Kaže Allah: **«onoga Dana kada smotamo nebesa kao što se smota list papira za pisanje. Onako kako smo prvi put iz ničega stvorili, tako ćemo ponovo iz ništa stvoriti - to je obećanje Naše, Mi smo doista kadri to učiniti.»** (Al-Anbiya' /Vjerovjesnici, 21:104)

Kaže Allah: **«na Dan kada Zemlja bude zamijenjena drugom zemljom, a i nebesa, i kad svi iziđu pred Allaha Jedinoga i Svemoćnog.»** (Ibrahim /Ibrahim, 14:48)

Ovi ajeti potvrđuju da se svemir u kojem živimo stalno širi i da uzima sve veći prostor u kosmosu. Ako se vratimo u prošlost, pronašli bismo da je cijeli kosmos evoluirao iz drevne čestice/atoma ili kosmičkog jajeta, a zatim Allahovom voljom eksplodirao i formirao maglinu iz koje su se stvorila nebesa i zemlja. Svemir se kontinuirano širi u kosmosu da bi se na kraju Allahovom odredbom prestao širiti. Nakon toga bi ponovo kolapsirao sam po sebi, a potom bi se utopio u prvobitnu drevnu česticu/atom. Zatim bi se desila ponovo eksplozija i formiranje bi se ponovilo, a nova nebesa i zemlja koja bi nastala, razlikovala bi se od naših nebesa i naše zemlje. U ovoj fazi, ovozemaljski život bi bio završen da bi otpočeo život na onome svjetu.

Sve ove faze se spominju u Kur'anu. Bez obzira na koji način bi se pokušalo objasniti ili koliko dugo bi se vodila diskusija o ovoj temi, ne može se izbjeći činjenica da se svi ovi detalji koje je otkrila moderna, savremena nauka, nalaze u Kur'anu koji je objavljen prije 1400 godina!

To znači da ovi i njima slični primjeri mogu samo da potvrde činjenicu da je Kur'an samo Allahova (Božija) riječ i da je Muhammed, (sallallahu alejhi ve sellem), Njegov poslanik koji je dostavio Njegovu objavu i podučio, odnosno pokazao ljudima znanstvene i naučne činjenice u vremenu kada su bile nepoznate, jer moderna/savremena nauka je do ovih naučnih činjenica došla tek nakon nekoliko stoljeća kasnije.

Astronomi su otkrili da je svemir u stalnom pokretu i da se širi, a

to se otkrilo sa proučavanjem galaksije i dalekih nebeskih tijela. Američki astronom **Vesto M. Slipher**, koji je studirao spektru galaksija, primijetio je da su se spektralne linije u nekoliko obližnjih sistema pomakle duže od talasne dužine. Ovaj pomak u talasu dužine pokazao je da većina galaksija odstupa od „Mliječnog puta“ na nekoliko stotina kilometara u sekundi!⁽¹⁾

* **Vesto M. Slipher**, (1875 - 1969).



Američki astronom **Edwin Hubble** je potvrdio da se svemir sve više širi i da je sve više udaljen od galaksije (zvjezdanog sistema), i što je veća udaljenost, veća je njihova brzina, a njihova brzina je proporcionalna njihovoj udaljenosti.⁽²⁾

S ovim naučnici u astronomiji dokazuju da se svemir stalno proširuje i da će se ta ekspanzija nastaviti sve dok gravitacija ne izgubi svoju privlačnost i dok se planete ne rašire po svemiru, što će samo po sebi dovesti do kraja svijeta.

Kaže Allah: «Kada se nebo rascijepi, i kada zvijezde popadaju.» (Al-Infitar /Rascjepljenje, 82:1-2)



* **Edwin Hubble**, (1889 - 1953).



Kur'an o nebeskim tijelima

Kaže Allah: «Allah je nebesa, vidite ih, bez stubova podigao, a zatim se na Arš uzdigao, i Sunce i Mjesec potčinio, svako se kreće do roka određenog; On upravlja svim i potanko izlaže dokaze da biste se uvjerali da ćete pred Gospodara svoga stati.» (Ar-Ra'd /Grom, 13:2)

- 1 V. Slipher, papir predstavio Američkom Astronomskom društvu (1915).
- 2 „A relation between distance and radial velocity among extragalactic nebulae” Edwin Hubble (1929). Proc. Nat. Akad. Sci. 15: 168-173.



Savremene studije svemira potvrđuju da postoje materije koje sadrže veliku energiju, njihove komponente i nebeska tijela. Allah ga može uništiti i ponovno ga stvoriti. A naučnici i istraživači su otkrili razne oblike snažne energije koja teče i na nebu i na zemlji. Ove energije su:

- ▶ **Jaka nuklearna energija** koja drži subatomske čestice zajedno; uključujući protone, elektrone i neutrone.

- ▶ **Slaba nuklearna energija** koja izaziva određeni oblik radioaktivnog raspada.⁽¹⁾

- ▶ **Elektromagnetska energija (zračenje)** je energija koja povezuje atome zajedno sa materijom, i daje svakom od njih svoja svojstva.

- ▶ **Gravitacija (privlačna sila)** je najslabiji oblik energije koji poznajemo, ali na duge staze, to je pravo žarište u smislu energije, jer zadržava sva nebeska tijela u njihovim respektivnim pozicijama.⁽²⁾

Kaže Allah: ﴿I noć i dan Njegovo su djelo, i Sunce i Mjesec, i svi oni nebeskim svodom plove.﴾ (Al-Anbiya' /Vjerovjesnici, 21:33)

Kaže Allah: ﴿I Sunce se kreće do svoje određene granice, to je odredba Silnoga i Sveznajućeg. I Mjesecu smo odredili položaj; i on se uvijek ponovo vraća kao stari savijeni palmin prut. Nit' Sunce može Mjesec dostići nit' noć dan prestići, svi oni u svemiru plove.﴾

(Ya-sin /Jasin, 36:38-40)

U ovim ajetima, Allah nam navodi da sunce putuje prema određenom pravcu. Ranije se smatralo da je sunce nepomično, ali danas savremeni astronomi i kosmolozi su potvrdili i dokazali da se sunce kreće u određenom pravcu. Sve planete u Sunčevom sistemu se kreću poput satelita, a Zemljina orbita je koncentrična sa orbitama ostalih planeta.

Kaže Allah: ﴿Tako Mi neba punog zvjezdanih puteva.﴾ (Ad-Dariyat /Oni koji pušu, 51:7)

Arapska riječ „Hubuk” (tj. zvjezdani putevi) imaju više od jednog značenja:

- ▶ Savršenstvo u stvaranju: Astronomi procjenjuju da postoji 200

1 Neke grupe čestica, kao što su fotoni, pioni, ili alfa čestice, koje imaju nulu ili prilagođenu rotaciju i koje prate statistička pravila koja omogućuju neograničen broj istih čestica da se nalaze u istom kvantnom stanju.

2 Dr. Zaghlool An-Naggar, As-Samaa (The Sky).

- Galaksija Vrtlog poznata kao Messier 51a, M51a ili NGC 5194, je spiralna galaksija tipa Sc, koji se nalazi u sazvježđu Lovački psi. Spiralna galaksija se nalazi na udaljenosti od oko 23 miliona svjetlosnih godina daleko u konstelaciji.



milijardi galaksija u svemiru i oko 70 milijardi triliona zvijezda (to je ono što je poznato čovjeku).⁽¹⁾

A svaka galaksija se razlikuje po svojoj veličini, obliku, gustoći, brzini u njenim osovinama, njenoj udaljenosti od nas, te udaljenosti od galaksije do galaksije, po svim fazama kroz koje je galaksija prošla, te po broju svih njenih zvijezda i po dužini njihovog života.

➤ Značenje riječi se također odnosi na stvar koja je savršena i koja je kombinovana i integrirana. Ove ogromne cifre galaksija i zvijezda koje su poznate čovjeku su dio svemira koji je samo jedan mali dio cijeloga svemira. Zbog toga mora postojati sila koja drži sve to zajedno, jer bi se u protivnom to sve srušilo u kaos.

Allah koji je Uzvišen i udaljen od svakog nedostatka kazao je u Plemenitom Kur'anu: **«Allah brani da se ravnoteža nebesa i Zemlje poremeti. A da se poremete, niko ih drugi osim Njega ne bi zadržao; On je zaista blag i prašta grijeh.»** (Fatir /Stvoritelj, 35:41)

➤ Riječ se također odnosi na orbite u kojoj svako nebesko tijelo lebdi. Među zapanjujućim stvarima koje su zbunile naučnike je upravo taj veliki broj galaksija koje su poznate čovjeku a čine jedan dio svemira. Sve su ovo dokazi da se svemir pokreće u odličnom sistemu.

Kaže Allah: **«On je Sunce izvorom svjetlosti učinio, a Mjesec sjajnim i položaje mu odredio da biste znali broj godina i računanje. - Allah je to mudro stvorio. - On potanko izlaže dokaze ljudima koji razumiju.»** (Yunus /Junus, 10:5)

Razlika između svjetlosti koja se odsijava od samoblistavog vatrenog tijela i svjetla koje se reflektira od sunca na tamnom i hladnom tijelu (tj. Mjesecu),

¹ Za dodatne informacije, vidite: http://www.esa.int/esaSC/SEM75BS1VED_extreme_0.html



koje se poslije odražava na konstantan i stabilan način na Zemlju je već spomenuta u Kur'anu prije 1400 godina! To dokazuje da je Kur'an objavljen od Allaha (Boga) koji najbolje poznaje ono što je stvorio.



• «i svi oni nebeskim svodom plove» (Al-Anbiya' /Vjerovjesnici, 21:33).



Kur'an o vazdušnom pritisku

Kaže Allah: «Onome koga Allah želi uputiti - On srce njegovo prema islamu raspoloži, a onome koga želi u zabludi ostaviti - On srce njegovo stegne i umornim učini kao kad čini napor da na nebo uzleti. Eto, tako Allah one koji ne vjeruju bez podrške ostavi.» (Al-An'am /Stoka, 6:125)

Iz ovoga ajeta se može zaključiti da kada se čovjek diže u visine prema atmosferi, počinje teže disati. Razlog toga je smanjenje zračnog pritiska i niska koncentracija kiseonika koja se pojavljuje onda kada čovjek čini napor da poleti u visinu prema nebu. Ovo je prvi put otkriveno onda kada je čovjek naučio da leti i kada je počeo da doseže nove visine.

Ako se čovjek uzdigne u visinu osam kilometara iznad mora, imat će problema sa disanjem zbog nedostatka kiseonika i niskog pritiska zraka. Čest problem koji se tada pojavljuje je hipoksija (stanje gdje se smanjuje količina kiseonika u ćelijama i tkivima), a drugi problem koji se također pojavljuje u tim trenucima je hipobarija ili dizbarizam (skup poremećaja, nastao kao posljedica uticaja sniženog barometarskog pritiska sredine na tijelo čovjeka).⁽¹⁾



Pojava ovih problema kod čovjeka rezultira sa ometanjem normalne funkcije tijela i zbog toga se pojavljuju poteškoće sa disanjem na visini, što se opet može jednostavno objasniti kao mjera zaštite od strane tijela za unutrašnje organe istoga tijela.

1 Pogledajte: „The Merck Manual”, 18. izdanje, pod nazivom „altitude sickness” (nadmorske bolesti).



Kur'an o tami u gornjem nivou svemira

- Slika sunca tokom pomračenja pokazuje da je svemir zahvaćen mrakom.



- Na slici je prikazan snimak Zemlje u trenutku kada je obasjana suncem. Možete vidjeti tanak sloj svijetle dnevne svjetlosti čija debljina nije deblja više od dvije stotine kilometara, dok je ostatak Zemlje u mraku

Kaže Allah: ﴿Kad bismo njih radi kapiju na nebu otvorili i oni se kroz nju uspinjali, opet bi oni, zacijelo, rekli: „Samo nam se pričinjava, mi smo ljudi opčinjeni!”﴾ (Al-Higr /Hidžr, 15:14-15)

Ovo poređenje je nevjerovatno, jer pokazuje stvarnost koja nije bila poznata ranije, a otkrivena je šezdesetih godina XX st. kada je počelo istraživanje svemira. Čitav svemir je zahvaćen mrakom, a svjetlost koja se vidi na zemlji može se uočiti do dvije stotine kilometara iznad zemljine površine, a iznad toga sunce se pojavljuje u obliku jednog plavog diska.

Mrak u svemiru se proteže u svim pravcima zbog male količine vodene pare i čestica prašine. Neka je Uzvišen Allah koji nas je obavijestio o ovoj stvarnosti prije više od 1400 godina.



Kur'an o atomima

Kaže Allah: ﴿Što god ti važno činio, i što god iz Kur'ana kazivao, i kakav god vi posao radili, Mi nad vama bdijemo dok god se time zanimате. Gospodaru tvome ništa nije skriveno ni na Zemlji ni na nebu, ni koliko trun jedan, i ne postoji ništa, ni manje ni veće od toga, što nije u Knjizi jasnoj.﴾ (Yunus /Junus, 10:61)

U ovom prekrasnom ajetu Allah pojašnjava da ništa nije skriveno od Njega u ovom univerzumu, bez obzira koliko malo to može biti. Ranije se smatralo da je atom najmanja jedinica nekog elementa koja definira svoja kemijska svojstva i da je najmanja jedinica u svemiru,



što je pogrešno, jer se atomi zauzvrat sastoje od protona (pozitivnog punjenja subatomske čestice), neutrona (neutralno subatomske čestice što jest nenaelektrisana čestica unutar atoma) i elektrona (elementarnih čestica s negativnim punjenjem (tzv elementarnim punjenjem)).

1939. godine, njemački naučnici Hahn i Strassmann su na Berlinskom univerzitetu uspjeli da podijele atom urana, a kroz dalja istraživanja su otkrili i još manje čestice.

Savremena nauka je dostigla vrlo visok nivo tehnološkog razvoja i postigla je naučni napredak u različitim oblastima ljudskog života. Budućnost i dalje donosi nova naučna dostignuća i taj proces će se nastaviti sve do Sudnjeg dana. Svi kolektivni napori čitavog čovječanstva u oblastima nauke nikada neće biti ni blizu Allahovom (Božijem) znanju i sposobnostima.

Kaže Allah: ﴿Pitaju te o duši. Reci: „Šta je duša - samo Gospodar moj zna, a vama je dato samo malo znanja.”﴾ (Al-Isra' / Noćno putovanje, 17:85)

Neka je hvaljen Allah (Bog). Njegovo znanje i njegova sposobnost je neograničena i bez presedana. Allah nam objašnjava u ovom kur'anskom ajetu da smo mi (ljudi) sa riječima ograničeni da bi naš um bio u stanju da shvati i apsorbira ogromnu razliku između Njegovog i našeg znanja.



Kur'an o ljudskim embrionalnim fazama

Kaže Allah: ﴿Mi čovjeka od biti zemlje stvaramo, zatim ga kao kap sjemena na sigurno mjesto stavljamo, pa onda kap sjemena ugruškom učinimo, zatim od ugruška grudu mesa stvorimo, pa od grude mesa kosti napravimo, a onda kosti mesom zaodjenemo, i poslije ga, kao drugo stvorenje, oživimo - pa neka je uzvišen Allah, najljepši Stvoritelj!﴾ (Al-Mu'minun /Vjernici, 23:12-14)

Čovjek prolazi kroz sljedeće embrionalne faze:


► **Ekstrakt gline:** Adem, a.s., (Adam) je stvoren od gline i on je otac cijelog

čovječanstva. Teorija evolucije koju savremena nauka opovrgava u suprotnosti je sa prethodno spomenutim ajetom. Čovječanstvo odnosno ljudski rod ne evoluira od drugih stvorenih vrsta.


► **Mješavina ejakulata:** U ovoj fazi se muški i ženski ejakulat izliva i miješa u plodnici odnosno materici, što rezultira Allahovom voljom do oplodnje ženskih jajnika ili do smrti spermatozoida. Ako dođe do oplodnje ženskih jajnika, onda počinje prva faza stvaranja.

Kaže Allah: ﴿Mi čovjeka od smjese sjemena stvar-

amo da bismo ga na kušnju stavili i činimo da on čuje i vidi.﴾ (Ad-Dahr /Vrijeme, 76:2)



U slučaju da spermatozoidi ne oplode ženski jajnik, bivaju izbačeni iz




maternice, a u protivnom (u slučaju oplodnje jajnika) kreiraju zigot (oplodnju jajnika) koji se u obliku blastule odnosno zametka (tekućinom ispunjenu šupljinu punom ćelija) drži

uz maternicu i jajnik te ostaje pričvršćen Allahovom voljom za maternicu da bi se poslije razvio u 'alakah fazu (tj. ugrušak krvi nalik na pijavicu).


Kaže Allah: ﴿O ljudi, kako možete sumnjati u oživljenje - pa, Mi vas stvaramo od zemlje, zatim od kapi sjemena, potom od ugruška, zatim od grude mesa vidljivih i nevidljivih udova, pa vam pokažemo moć Našu! A u materice smještamo šta hoćemo, do roka




određenog, zatim činimo da se kao dojenčad rađate i da poslije do muževnog doba uzrastate; jedni od vas umiru, a drugi duboku starost doživljavaju, pa začas zaboravljaju ono što saznaju. I ti vidiš zemlju kako je zamrla, ali kad na nju kišu spustimo, ona ustrepće i uzbuja, i iz nje iznikne svakovrsno bilje prekrasno.» (Al-Hagg /Hadždž, 22:5)




► **Ugrušak krvi nalik na pijavicu/držeću, pripojenu stvar:** Opisana je kao takva jer ostaje pričvršćena za maternicu i hrani se majčinom krvlju na način koji liči na pijavicu koja se također hrani krvlju drugih stvorenja.



- Na slici je prikazan bočni izgled embriona (starog 24 do 25 dana). Slika također ilustrira sličnosti između pijavice i ljudskog embriona u „alakah“ fazi. (Preuzeto iz knjige Dr. Keith Moore (Dr. Keita Morea) "The Developing Human", str. 71; sedmo izdanje).



- Grafika pokazuje primordijalni (izvorni) kardiovaskularni sistem 21 dan starog embriona (prikazanog sa lijeve strane). Zapazite prolaznu fazu u paru spojenih (vezanih) simetričnih krvnih sudova (Dr. Keith Moore). Obje srčane komore nastavljaju dorzalno (biološki izraz koji se odnosi na leđni, odnosno zadnji dio organizma). Jedna dorzalna aorta (aorta u kojoj prolazi kiseonik u krvi za ostatak tijela) se proteže kaudalno/naniže (anatomski naziv za položaj). Embriion i njegove kese su slične eksterijeru, vanjskom ugrušku krvi zbog relativno velike količine krvi u embriju.



- Presjek implantiranog ploda je oko 21 dana star. Grafika pokazuje suspenziju embriona u maternici za vrijeme 'alakah' faze.

إِنَّا خَلَقْنَا الْإِنْسَانَ مِنْ نَضِيفَةٍ


- «Mi čovjeka od smjese sjemena stvaramo da bismo ga na kušnju stavili i činimo da on čuje i vidi.» (Ad-Dahr /Vrijeme, 76:2).



► **Ižvakana supstanca:** U ovoj fazi embrion liči na ižvakanu supstancu.

► **Formiranje kostiju,**


► **Pokriivanje kostiju s mesom,**



- Mikrografika faze 13, 4 12/ nedjelje star ljudski embrion. (Dr. Keith Moore) Stvarna veličina je 4,5 mm




- Slika iznad predstavlja sličnosti između jednog komada sažvakane žvakaće gume i stvarne slike jednog ljudskog embriona. Kako može onda biti moguće da jedan neobrazovan čovjek koji je živio u pustinji kaže takve eksplicitne detalje o embrionu? Zaista, to ništa drugo nije nego objava od Allaha (Boga)!



► **Razvoj embrija u drugom obliku**, u kojem se proporcije tijela stvaraju i u kojem se udahne život.

- Crtež sagitalne sekcije (anatomski izraz za rez koji djeli prednji dio od zadnjeg djela tijela u desni i lijevi dio) trudne maternice u četvrtoj nedjelji trudnoće. Crtež prikazuje vezu između posteljice, membrane, decidua (endometrije) i embriona.



Ljudski embriion prolazi kroz nekoliko faza od čega su tri faze tame.

Kaže Allah: ﴿On vas od jednog čovjeka stvara - a od njega je drugu njegovu stvorio - i On vam je dao osam vrsta stoke; On vas stvara u utrobama matera vaših, dajući vam likove, jedan za drugim,

u tri tmine. To vam je, eto, Allah, Gospodar vaš, Njegova je vlast, nema istinskog boga osim Njega, pa kuda se onda odmećete?﴾

(Az-Zumar /Skupovi, 39:6)

Ajet nam govori da je embriion obložen s tri tamna sloja. U ovome ajetu je to spomenuto "u tri tmine". Voda, zrak, svjetlo i toplina ne mogu prodrijeti kroz ove slojeve koji se ne vide golim okom.



Dr. Maurice Bucaille⁽¹⁾, je rekao: „Moderni tumači Kur’ana vide da se u ovom ajetu spominju tri anatom-ska sloja koji štite bebu u trudnoći: trbušni zid, ma-ternica i okruženje fetusa (lat. placenta, embrionalna membrana i amnionska tekućina).”⁽²⁾

Embriion (plod) se također nalazi na sigurnom, pouz- danom mjestu.

Kaže Allah: ﴿Zar vas od neznatne tekućine ne stvar-

1 Bio je šef hirurške klinike na sveučilištu u Parizu.

2 „The Bible, The Qur’an and Science” (Biblija, Kur’an i nauka) – Dr. Maurice Bucaille.




amo, koju na pouzdano mjesto stavljamo do roka određenoga?!
Takva je Naša moć; a kako smo Mi samo moćni!» (Al-Mursalat /
 Poslani, 77:20-23)

Dr. Gary Miller⁽¹⁾: Jedan reporter je pitao **Profesora Keith Moore⁽²⁾**: „Zar ne mislite da su Arapi možda imali znanje o tim stvarima - o opisu embriona, kako izgleda i kako se mijenja i raste? Možda oni nisu bili naučnici, ali su možda banalnim seciranjem svog stanovništva na svoju ruku zasijecali ljude i istraživali te stvari.”

Na takav govor profesor Moore je odmah naglasio da je dotični reporter u svom pitanju propustio jednu vrlo važnu stvar te da svi slajdovi embriona koji su bili prikazani u projektovanom filmu napravljeni iz slika snimljenih kroz mikroskop.

Potom je rekao: „Nije bitno da li je neko pokušao otkriti embriologiju (nauku koja se bavi proučavanjem ranoga razvoja organizama) prije četrnaest vjekova, jer jednostavno, nisu je mogli vidjeti!”



* Dr. Gary Miller



* Keith Moore

Svi opisi pojave embriona u Kur'anu opisuju embrion u fazi kada je još uvijek premali da se vidi golim okom, što ukazuje na činjenicu da je potreban mikroskop da se vidi. A budući da je uređaj izumljen tek nešto više od prije dvije stotine godina, **Dr. Moore** je s podsmijehom kazao: „Možda je neko prije četrnaest vjekova tajno imao mikroskop i tajno sproveo ovo istraživanje ne praveći nikakvu grešku pri tome, da bi onda na neki način podučio Muhammeda sa uvjerenjem da će on te

- 1 Abdul-Ahad Omar je kanadski musliman. Poznat je kao bivši hrišćanski teolog i pomoćnik pastora koji je konvertirao na islam.
- 2 Svjetski poznati embriolog. Ranije je bio predsjednik kanadskog udruženja za anatomiju, Department of Anatomy and cell biology (Odjel za anatomiju i ćelijsku biologiju), University of Toronto.






informacije staviti u svoju knjigu, a potom uništio svoju opremu i čuvao je kao tajnu zauvijek. Vjerujete li vi u ovakvo nešto? Stvarno ne bi ste trebali, osim ako nemate kakav dokaz, jer je ovo jako smiješna teorija.”

Kada su ga upitali: „Kako vi objašnjavate ovaj opis embriona u Kur'anu?”

Odgovor **Dr. Keith Moore** je bio sljedeći: „To samo može biti Božija objava.”

Dr. Gerald C. Goeringer⁽¹⁾, je rekao: „U većini, ako ne i u svim slučajevima ovaj opis prednjači svim prethodnim opisima već stotinama godina, opisu različitim fazama ljudskog embrionalnog i fetalnog razvoja koji je zabilježen u tradicionalno- naučnoj literaturi.”



Kur'an o okeanima

Kur'an o barijerama između mora

Kaže Allah: ﴿On je dvije vodene površine jednu pored druge ostavio - jedna je pitka i slatka, druga slana i gorka, a između njih je pregradu i nevidljivu branu postavio.﴾ (Al-Furqan /Furkan, 25:53)

Činjenica da se vode okeana ne miješaju međusobno je nedavno otkriveno od strane okeanografa (ljudi koji se bave okeanografijom). Zbog fizičkog fenomena zvanog “površinska napetost”⁽²⁾ (sila između molekula na granici između tečnosti i gasa), koji sprečava miješanje morske vode s drugim vodama. Razlika između miješajućih voda je uzrokovana gustoćom vode zbog čega ih površinska napetost sprečava da se pomiješaju, baš kao da postoji tanak zid između njih.


Takav primjer je rijeka Amazon čija voda zadržava svoju slatkoću i svojstva čak i 200 metara poslije njenog ulijevanja u Atlantik.⁽³⁾

1 Dr. Gerald C. Goeringer je odgovorni kordinator, docent i vanredni profesor na odsjeku medicinske embriologije za ćelijsku biologiju, Medicinski fakultet, Georgetown University, Washington, DC, SAD.

2 „Modern College Physics” - White, Harvey E. van Nostrand 1948.

3 „Oceans, Elder and Pernetta” str. 27 Također pogledajte: ”Oceans, Day, Trevor” str. 46 -47.

- Postoje tri glavna sloja slane koncentracije u riječnim vodama koje se ulijevaju u more: slojevita, djelomično mješovita i potpuno mješovita.




Kur'an o dubokom moru

Kaže Allah: ﴿Ili su kao tmine nad dubokim morem koje prekrivaju talasi sve jedan za drugim, iznad kojih su oblaci, sve tmine jedna iznad drugih, prst se pred okom ne vidi - a onaj kome Allah ne da svjetlo neće svjetla ni imati.﴾ (An-Nur /Svjetlost, 24:40)

Poznato je, a i naučno potvrđeno da u ekstremnim dubinama okeana ne postoji svjetlo već samo tama. Razlog tome su sunčeve zrake koje ne mogu prodrijeti u dubine okeana, jer dubine okeana se protežu u

- Grafika pokazuje dubinu morske vode i vrste svjetlosnih zraka koje prodiru u nju. Budući da se crveno svjetlo jako apsorbira ima plitku penetracijsku moć, dok plavo svjetlo ima najveću penetracijsku moć. (Applied Optics, 20 vol. (177) Smith, RC i KS Baker. 1981) Za više informacija pogledajte također Nasinu (NASA) službenu web stranicu.






rasponu od nekoliko stotina metara pa sve do 11034 metra! Tama u dubokim morima i okeanima počinje na dubini od oko 200 metara, tako da na toj dubini gotovo i ne postoji svjetlost, da bi na dubini od 1000 metara bio potpuni mrak. Većina sunčevih zraka se apsorbira u vodi na dubini od 100 metara, tako da taj dio okeana je poznatiji kao svjetlosni dio okeana. Od 1% sunčevih zraka na dubini od 150 metara vidljivo je svega 0.01% zraka na dubini od 200 metara.

Ozonski omotač u atmosferi reflektira većinu ultraljubičastih zraka, dok oblaci reflektiraju 30% i apsorbiraju 19% ovih zraka. 51% ovih zraka dopre do mora, a između 3% i 30% od sunčevih zraka se reflektira na površini mora, tako da se skoro sve boje spektra svjetlosti (njih sedam koje se dijele po talasnoj dužini) osim plave, apsorbiraju jedna za drugom u prvih 200 metara dubine.

Kur'an o podvodnim valovima

Naučnici su nedavno otkrili da postoje podvodni valovi koji se javljaju na granicama između "različitih denziteta vode".⁽¹⁾



- Granica podvodnih valova između dva sloja vode različitih denziteta. Donji sloj ima veću gustoću (denzitet), dok gornji sloj ima manju gustoću (denzitet). (Oceanography [Okeanografija], Gross, str.204.


Podvodne valove prekriva duboka voda mora i okeana, zato što je ta voda u dubini gušća (s većim denzitetom) od vode koja je na površini.

Podvodni valovi se ponašaju

isto kao valovi na površini, tako da se i oni mogu slomiti na isti način kao i valovi na površini. Međutim, podvodni valovi za razliku od površinskih se ne mogu vidjeti golim okom, ali se mogu otkriti proučavanjem temperature ili promjenom koncentracije soli u odabranoj lokaciji.

Naprimjer, voda Mediterana je topla, slana sa manjom gustoćom u odnosu na vodu Atlantskog okeana. Kada se mediteranska voda pomiješa sa vodom Atlantskog okeana kod Gibraltara, onda ona ulazi nekoliko stotina kilometara


1 „Oceanography” - Gross, str. 205.



- Podvodni valovi i skale miješane vode okeana. (Oceanography, Chris Garrett) Vidi također: <http://www.nature.com/nature/journal/v422/n6931/full/422477a.html>.

u Atlantski okean sa vlastitom temperaturom, koncentracijom soli, te rjeđoj gustoći vode na dubini od oko 1000 metara, da bi se stabilizirala na toj dubini. I pokraj velikih valova, jake struje i plime u tim morima, te dvije vode se ne miješaju i ne prelaze barijeru.

Ove činjenice su otkrivene u savremenom dobu uz pomoć napredne tehnologije i opreme. Poslanik, sallallahu alejhi ve selleme, je živio u pustinji daleko od mora, tako da on nije nikada plovio morem. A činjenica da Kur'an daje detaljne informacije o ovim stvarima je čvrst dokaz o istinitosti Kur'ana.



- Velike mase vode u dubokom moru se razlikuju po temperaturi i koncentraciji soli. Ove osobine određuju njihov relativni denzitet (gustoću), što zauzvrat dovodi do termohalinske cirkulacije (protok morskih struja) u dubokim okeanima. NADW = Sjevernoatlantska duboka voda. AABW = Voda s dna Antarktike. Izmijenjena figura koju je s ljubaznošću dodijelio dr. Steve Hovan, Indiana University of Pennsylvania.



Kur'an o formiranju oblaka i spuštanju kiše

Kaže Allah: ﴿On je Taj koji šalje vjetrove kao radosnu vijest milosti Svoje; a kad oni pokrenu teške oblake, Mi ih prema mrtvom predjelu potjeramo, pa na njega kišu spustimo i učinimo da uz njenu pomoć rastu plodovi svakovrsni; isto ćemo tako mrtve oživiti, opametite se!﴾ (Al-A'raf /Bedemi, 7:57)


Kaže Allah: ﴿Mi šaljemo vjetrove da oplođuju, a iz neba spuštamo kišu da imate šta piti - vi time ne možete raspolagati.﴾ (Al-Higr /Hidžr, 15:22)

Savremena nauka je potvrdila sve naučne tačke koje su navedene u prethodnom ajetu iz Kur'ana. Vjetrovi nose vode sa solima bogatim česticama koje se nazivaju "aerosoli" (smjesa tvrdih i lebdećih čestica) koje kao zamka za vodu služe formiranju oblačne kapljice.

Oblaci se formiraju iz vodene pare koja se kondenzira na kristalnoj soli ili od čestica prašine koje postoje u zraku. Oblaci se kreću (plutaju), vise u zraku i šire po nebu, jer su kapljice vode u oblacima vrlo male (omjera između 0,01 i 0,02 mm),⁽¹⁾ tako da nebo biva prekriveno oblacima. Kapljice vode koje su formirane od čestica prašine i kondenziranjem kristalne soli se zgušćuju i postaju kapi kiše koje postaju teže od zraka, tako da padaju na zemlju u obliku kiše.

Kaže Allah: ﴿Zar ne vidiš da Allah razgoni oblake, i onda ih spaja i jedne nad drugima gomila, pa ti vidiš kišu kako iz njih pada; On s neba, iz oblaka veličine brda, spušta grad, pa njime koga hoće pogodi, a koga hoće poštediti

- Slika atmosfere koja predstavlja oblake i vjetrove



- Olujni oblak (lat. cumulonimbus); slika napravljena od Nasinog satelita (NASA). Izgleda kao da nevidljiva ruka gura cumulus (oblak) prema području konvergencije


1 Vidi „Earth Science”- Tarbuck, Edward J; Lutgens, Frederick J, str. 509-525, vidi također: „Mountain Meteorology” Whiteman, David C. str. 100 -116.

- blijesak munje Njegove gotovo da oduzme vid. (An-Nur /Svjetlost, 24:43)

Kišni oblaci se formiraju i oblikuju u skladu sa određenim sistemima i fazama. Faze formiranja i oblikovanja olujnih oblaka (lat. cumulonimbus) su sljedeće:


1. Prva faza; Pojava oblaka; uz pomoć vjetrova oblaci se kreću (plove) po nebu.

2. Druga faza; Spajanje oblaka; mala grupa oblaka se uz pomoć vjetrova spaja, formirajući tako veći oblak.



3. Treća faza; Nagomilavanje / slaganje oblaka; kada se mali oblaci spoje u jedan veći oblak, dolazi do povećavanja

vazdušnih struja u njima (tzv. vertikalni vjetar). U blizini sredine oblaka su struje jače nego na rubovima oblaka, tako da ovi vertikalni vjetrovi čine da oblak vertikalno raste, odnosno da se nagomilava. Oblak postaje veći i širi u hladnijim dijelovima atmosfere, gdje se formiraju kapi vode i grad, a kada grad i vodene kapljice postanu preteške za vertikalni protok zraka (vertikalni vjetar), onda počinje padati kiša, grad i sl.



- Model cik-cak munje. (a) Negativno punjenje koje je koncentrisano na dnu oblaka je dovoljno veliko da prevaziđe otpor zraka i razvije „vođe“, račvajući se prema zemlji. (b) Uzlazni tok pozitivnog punjenja sa tla poboljšava jačinu električnog polja između njih. (c) Silazni tok negativnih punjenja dolazi u dodir sa uzlaznim tokom pozitivnih punjenja i na taj način formira jaku električnu struju koja u povratnom udaru nosi pozitivna punjenja u oblak.

Oblak postaje elektrificiran ako grad u njegovom padu prođe kroz oblast super ohlađenih kapljica i hladnih kristala u oblaku. Kada vodene kapljice dođu u dodir sa zrncom grada, zamrzava se da bi se pri tom



činu oslobodile latentne (skrivenе) toplote. Ta pojava održava površinu gradovog zrna toplijom od površine okolnih kristala leda.

Kada zrno grada dođe u kontakt s ledom kristala, pojavljuje se jedan važan fenomen: elektroni iz hladnijeg objekta teku prema toplijem objektu, tako da zrno grada postaje punjeno negativnim punjenjem.

Efekat ili učinak postaje isti kada super ohlađene kapljice dođu u kontakt sa gradovim zrnima i pozitivno punjenim malim komadićima leda, tako da te lakše pozitivno punjene čestice se pomoću vertikalnih vjetrova pomjeraju u gornji dio oblaka.

Kada zrnca grada počnu da padaju prema dnu oblaka, donji dio oblaka postaje negativno punjen, što rezultira to negativno punjenje u obliku munje. Iz ovoga se može zaključiti da su gradova zrnca (grad) glavni faktor u proizvodnji munje.⁽¹⁾

Kaže Allah: ﴿I grmljavina veliča i hvali Njega, a i meleki, iz strahopoštovanja prema Njemu; On šalje gromove i udara njima koga hoće - i opet oni raspravljaju o Allahu, a On sve može.﴾ (Ar-Ra'd /Grom, 13:13)



Kur'an o životinjama

Kaže Allah: ﴿Vi imate pouku i u stoci: „Mi vam dajemo da iz utroba njenih mlijeko čisto pijete, koje nastaje od grizina u buragu i od krvi - ukusno onima koji ga piju.﴾ (An-Nahl /Pčele, 16:66)

Maurice Bucaille je rekao: "Sa naučnog stanovišta moraju se fiziološki pojmovi koristiti da bi se razumjelo značenje ovoga ajeta (stih). Supstance koje osiguravaju opću ishranu organizma dolaze iz hemijskih transformacija koje se pojavljuju duž cijelog probavnog sistema. Ove supstance dolaze iz sadržaja crijeva, a po dolasku u crijeva te supstance prolaze kroz odgovarajuću fazu hemijske transformacije, tako da prolaze kroz zid crijeva i ulaze u cirkulatorni sistem. Ovaj proces nastaje kroz dva načina: direktno preko limfnih sudova ili posredno preko portala

1 Vidi „The Atmosphere” - Anthes, Richard A; John J. Cahir; Alistair B. Fraser; i Hans A. Panofsky, str. 269. Vidi također: „Elements of Meteorology”- Miller i Thompson, str. 141-142; Vidi također: „Earth Science Today”- Murphy, Brendan; Nance, Damian. str. 346.

الْمَرْجَعَاتُ الْأَرْضِ الْأَعْيُنُ وَالْجِبَالُ الْقَائِلَاتُ

- «Zar Zemlju posteljom nismo učinili, i planine stubovima» (An-Naba' /Vijest, 78:67-)





venskog sistema, što ih prvo dovodi do jetre, gdje se podvrgavaju promjenama, da bi poslije toga otišle u cirkulatorni sistem. Na ovaj način sve to prolazi kroz cirkulatorni sistem.

”Sastojci mlijeka se luče iz mliječnih žlijezda koje dobivaju hranu iz probavnoga sistema kroz cirkulaciju krvi, gdje krv ima ulogu kolektora i dirigenta onoga što je izvađeno iz hrane, kako bi se na taj način hranile mliječne žlijezde (koje proizvode mlijeko) i svi drugi organi”.




”Početni proces koji započinje cijeli ovaj proces je spajanje sadržaja iz crijeva i krvi kroz zid crijeva. Rezultat toga biva precizan opis otkrića fiziologije i hemije u probavnom sistemu, koji je za vrijeme poslanika Muhammeda bio potpuno nepoznat, jer razumijevanje tog procesa je otkriveno tek nedavno.”⁽¹⁾



Kur'an o planinama


Kaže Allah: **﴿Zar Zemlju posteljom nismo učinili, i planine stubovima.﴾**

(An-Naba' /Mijest, 78:6-7)



- Izostazija: planinske mase odvrćaju klatno od vertikalne linije, ali ne onoliko koliko bi se moglo očekivati. Dijagram prikazuje vertikalni položaj (a) ako je planina bila samo opterećenje na ujednačenoj zemljanoj kori, treba se ugib preokrenuti u položaj (c), ali s obzirom da ima dubok korijen relativno neguste stijene, ugib se pomjerio samo na poziciju (b). Slika dodijeljena od Building Planet Earth, Cattermole str. 35.

1 „The Bible, The Qur'an and Science” (Biblija, Kur'an i nauka) – Dr. Maurice Bucaille.



- Slika prikazuje "korijene" planine. Neki korijeni te planine mogu biti dugi i do šezdeset kilometara duboko u zemlji.

Naučnici objašnjavaju važnost planina tako što porede planine sa stubovima koji stabilizuju zemljanu površinu: „Planine imaju korijene koji su u osnovi usidreni/ ugrađeni duboko u zemlji, tako da planine imaju oblik sličan klinu. Zemljine kore su od 30 do 60 kilometara duboke, što nam je postalo poznato seizmografom (instrumentom koji bilježi pokrete u zemljinoj kori). Osim toga, ova mašina nam je otkrila još da svaka planina ima temeljni korijen koji stabilizuje koru sa osnovnim/temeljnim slojevima i na taj način sprječava zemlju da se tresse. Zbog toga planina je slična ekseru koji drži razne komadiće drveta spojeno.”⁽¹⁾



Kaže Allah: ﴿On je po Zemlji nepomična brda pobacao da vas ona ne potresa, a i rijeke i puteve da se ispravno usmjeravate.﴾ (An-Nahl /Pčele, 16:15)

Savremena nauka potvrđuje činjenicu da su planine ravnomjerno i savršeno raspoređene na zemlji i da stabiliziraju tlo. To čine posebno planine koje geolozi zovu "Nesimetrični planinski lanci" (eng. Asymmetrical Mountain Ranges) koji se mogu naći na svim kontinentima.⁽²⁾

- 1 „Earth, Press and Siever” str. 435; Vidi također: „Earth Science, Tarbuck and Lutgens” str. 157; Vidi također: "The Geological Concept of Mountains in the Quran" El-Naggar, str. 5; Vidi također: „Earth Science Today” Murphy, Brendan; Nance, Damian str. 107.
- 2 „The Geological Concept of Mountains in the Qur’an” (Geološki pojmovi planina u Kur’anu) - El-Naggar, str. 5; Vidi također: „Mountain Chains from World of Earth Science”.



Kako je onda jedan nepismen čovjek, čiji je narod uglavnom bio nepismen, znao sve ove činjenice?



Kur'an o „životnoj tekućini” (vodi i životu)

Kaže Allah: «Zar ne znaju nevjernici da su nebesa i Zemlja bili jedna cjelina, pa smo ih Mi raskomadali, i da Mi od vode sve živo stvaramo? I zar neće vjerovati?» (Al-Anbiya' /Vjerovjesnici, 21:30)

Savremena nauka je jasno potvrdila da je voda osnovna komponenta života od koje se grade ćelije. Hemičari su dokazali da je voda neophodna aktivna supstanca koja se koristi u promjenama i reakcijama unutar tijela.

Iz tog razloga voda je jedina tečnost u svijetu koja je potrebna svim živim bićima bez obzira na njihovu veličinu, od malih mikroorganizama do najvećih životinja na zemlji.

Trenutno je oko 71% zemljine površine voda, a preostalih 29% je kopno.

Glavni izvor života za ljudska i životinjska tijela, te svih vrsta biljki je voda. Kroz naučne analize dokazano je da tijelo odrasloga čovjeka u starosnoj dobi od 15 godina pa naviše sadrži otprilike oko 60% vode. Što se tiče bebe, njeno tijelo sadrži 75% vode, uključujući i krv. 90% vode se nalazi u biljkama i pojedinim životinjama.



- «I da Mi od vode sve živo stvaramo?» (Al-Anbiya' /Vjerovjesnici, 21:30).



Ko su oni koji pokazuju netrpeljivost i neprijateljstvo prema islamu?

Ako pogledamo sve religije u svijetu, vidjet ćemo da veliki broj ljudi pokazuje netrpeljivost, neprijateljstvo i mržnju prema islamu. Koji su razlozi za ovo otvoreno neprijateljstvo? Ljude koji otvoreno izražavaju svoju netrpeljivost, neprijateljstvo i mržnju prema islamu, možemo klasificirati u jednu od sljedećih kategorija:

01

Politeisti (mušrici/mnogobožci) i neznalice (neuki ljudi), jer je islam religija/vjera istine, koja zabranjuje obožavanje i pokornost nečemu ili nekome drugome mimo Allahu.

Kaže Allah: ﴿Reci: „Zar od mene tražite da se nekome drugom, osim Allahu, klanjam, o neznalice?!”﴾ (Az-Zumar /Skupovi, 39:64)

02

Osobe koje su sklone korupciji, jer je islam religija koja se slaže s ljudskim prirodnim tendencijama.

Kaže Allah: ﴿Ti upravi lice svoje vjeri, kao pravi vjernik, djelu Allahovu, prema kojoj je On ljude načinio - ne treba se mijenjati Allahova vjera, ali većina ljudi to ne zna.﴾ (Ar-Rum / Bizantinci, 30:30)

03

Nepravedni ljudi, jer je islam religija pravde i jednakosti.

Kaže Allah: ﴿Allah zahtijeva da se svačije pravo poštuje, dobro čini, i da se bližnjima udjeljuje, a razvrat i sve što je odvratno i nasilje zabranjuje; da pouku primite, On vas savjetuje.﴾ (An-Nahl / Pčele, 16:90)



04

Oni koji traže da se širi smutnja i zlo, jer je islam religija koja se zalaže za reformu i pravdu.

Kaže Allah: **«Oni nastoje na Zemlji smutnju praviti, a Allah ne voli smutljivce.»** (Al-Ma'ide /Trpeza, 5:64)

05

Prestupnike/prekršitelje, jer je islam religija mira.

Kaže Allah: **«I borite se na Allahovom putu protiv onih koji se bore protiv vas, ali vi ne otpočinite borbu! - Allah, doista, ne voli one koji zapodijevaju kavgu.»** (Al-Baqara /Krava, 2:190)

06

Fanatici i ekstremisti, jer je islam religija umjerenosti.

Kaže Allah: **«Stvaranje nebesa i Zemlje, smjena noći i dana, lađa koja morem plovi s korisnim tovarom za ljude, kiša koju Allah pušta s neba pa tako u život vraća zemlju nakon mrtvila njezina - po kojoj je rasijao svakojaka živa bića, promjena vjetrova, oblaci koji između neba i Zemlje lebde - doista su dokazi za one koji imaju pameti.»** (Al-Baqara / Krava, 2:143)

07

Ljudi koji slijede svoje strasti, požude i želje, jer je islam religija urednosti i čednosti.

Kaže Allah: **«I što dalje od bluda, jer to je razvrat, kako je to ružan put!»** (Al-Isra' /Noćno putovanje, 17:32)

08

Oni koji žele ovozemaljski život i misle samo na sebe, jer je islam vjera samilosti, međusobne podrške i religija koja se bori protiv eksploatacije ljudskih potreba i njihovih slabosti.

Kaže Allah: **«Ne jedite imovinu jedan drugoga na nepošten način i ne parničite se zbog nje pred sudijama da biste na grješan način i svjesno dio tuđe imovine pojeli!»** (Al-Baqara /Krava, 2:188)

09

Oni koji se rugaju, preziru, te ponižavaju druge ljude i misle da su oni odabrana grupa ljudi, jer je islam religija koja se bori za jednakost i protiv svih oblika rasizma i predrasuda.

Kaže Allah: **«O ljudi, Mi vas od jednog čovjeka i jedne žene stvaramo i na narode i plemena vas dijelimo da biste se upoznali. Najugledniji kod Allaha je onaj koji ga se najviše boji, Allah, uistinu, sve zna i nije Mu skriveno ništa.»** (Al-Hugurat /Sobe, 49:13)

Sušтина islama i njegove odlike:

01

Islam je religija istine i nije dozvoljeno da obožavate nešto ili nekoga drugoga mimo Allaha (Boga).

Kaže Uzvišeni Allah: ﴿Reci: „Zar od mene tražite da se nekome drugom, osim Allahu, klanjam, o neznalice?!”﴾ (Az-Zumar /Skupovi, 39:64)

02

Islam je religija mira koja odbacuje sve oblike nepravde i tiranije.

Kaže Uzvišeni Allah: ﴿Allah vam ne zabranjuje da činite dobro i da budete pravedni prema onima koji ne ratuju protiv vas zbog vjere i koji vas iz zavičaja vašeg ne izgone - Allah, zaista, voli one koji su pravični.﴾ (Al-Mumtahina /Provjerena, 60:8)

03

Islam je religija koja promovira obrazovanje i širenje znanja.

Kaže Uzvišeni Allah: ﴿Da li je onaj koji u noćnim satima u molitvi vrijeme provodi, padajući licem na tle i stojeći, strahujući od onoga svijeta i nadajući se milosti Gospodara svoga...? Reci: “Zar su isti oni koji znaju i oni koji ne znaju? Samo oni koji pameti imaju pouku primaju!”﴾ (Az-Zumar /Skupovi, 39:9)

04

Islam je vjera čistoće i higijene.

Kaže Uzvišeni Allah: ﴿Allah zaista voli one koji se često kaju i voli one koji se mnogo čiste.﴾ (Al-Baqara /Krava, 2:222)

05

Islam je vjera pravde i lijepog ponašanja.

Kaže Uzvišeni Allah: ﴿Allah zahtijeva da se svačije pravo poštuje, dobro čini, i da se bližnjima udjeljuje, a razvrat i sve što je odvratno i nasilje zabranjuje; da pouku primite, On vas savjetuje.﴾ (An-Nahl /Pčele, 16:90)





06

Islam je jednostavna religija.

Kaže Uzvišeni Allah: **«Allah želi da vam olakša, a ne da poteškoće imate - da određeni broj dana ispunite, i da Allaha veličate zato što vam je ukazao na Pravi put, i da zahvalni budete.»** (Al-Baqara /Krava, 2:185)

07

Islam je vjera milosti.

Kaže Poslanik, (sallallahu alejhi ve seleme): *„Milostivima će se smilovati Svemilosni! Budite milostivi prema onima koji su na Zemlji, pa će vam se smilovati Onaj Koji je na nebesima!”* (Hadis bilježi Tirmizi)

08

Islam je religija apsolutne pravde.

Kaže Uzvišeni Allah: **«O vjernici, dužnosti prema Allahu izvršavajte, i pravedno svjedočite! Neka vas mržnja koju prema nekim ljudima nosite nikako ne navede da nepravedni budete! Pravedni budite, to je najbliže čestitosti, i bojte se Allaha, jer Allah dobro zna ono što činite!»** (Al-Ma'ide /Trpeza, 5:8)

09

Islam je religija koja poziva na saradnju u dobročinstvu.

Kaže Uzvišeni Allah: **«Jedni drugima pomažite u dobročinstvu i čestitosti, a ne sudjelujte u grijehu i neprijateljstvu.»** (Al-Ma'ide / Trpeza, 5:2)

10

Islam nije religija samo za određenu i odabranu grupu, rasu ili etničku naciju; islam je za cijelo čovječanstvo.

Kaže Uzvišeni Allah: **«Mi smo te poslali svima ljudima da radosne vijesti donosiš i da opominješ, ali većina ljudi ne zna.»** (Saba'/Saba, 34:28)

11

Islam je religija koja briše sve grijehe.

Kaže Uzvišeni Allah: **«Reci: „O robovi moji koji ste se prema sebi ogriješili, ne gubite nadu u Allahovu milost! Allah će, sigurno, sve grijehe oprostiti; On, doista, mnogo prašta i On je milostiv.»** (Az-Zumar /Skupovi, 39:53)



Zašto i zbog čega biti musliman?

Islam, kao posljednja Božija objava, zbog svoje univerzalnosti oduvijek je privlačio veliki broj ljudi. Ovdje ćemo navesti razloge zbog kojih su ljudi izabrali islam kao svoju vjeru:



- ▶ islam je posljednja religija objavljena čovječanstvu.
- ▶ islam priznaje sve prethodne Božije objave, dok s druge strane, Jevreji ne priznaju Isaa, a.s., (Isusa) kao poslanika, a kršćani ne priznaju Muhammeda, (sallallahu alejhi ve seleme), kao poslanika, dok muslimani priznaju i Mojsija (Musaa) i Isusa (Isaa), alejhima selam, kao prave i istinite Božije poslanike, alejhimu selam ve salavat.
- ▶ u islamu se ljudi bez ikakvih posrednika u svim pitanjima i u svim kontekstima direktno obraćaju njihovom Gospodaru.
- ▶ islam je jedina religija koja nije iskrivljena ili promijenjena.



Harry G. Dorman je rekao sljedeće: „*Kur'an je doslovno jedna objava od Boga, koja se bez greške preko anđela Gabrijela diktirala, odnosno prenijela u svom značenju Muhammedu. To je jedno postojeće čudo koje svjedoči o samom sebi i o Božijem poslaniku, Muhammedu. Njegova svetost leži djelimično u stilu koji je tako savršen i uzvišen da nisu ni ljudi, a ni nevidljiva duhovna bića, demoni (ar. džini) uspjeli da sastave poglavlje koje bi se moglo porediti sa najkraćim surama (poglavljima) Kur'ana. Zanimljivosti Kur'ana uključuju također proricanja dešavanja u budućnosti sa vrlo preciznim informacijama i opisima, tako da*



Muhammed koji je bio nepismen, nije mogao prikupiti to na svoju ruku.⁽¹⁾

- ▶ islam je religija koja obuhvata sve materijalne i duhovne aspekte života, ne izostavljajući pri tome ni najmanji detalj u životu muslimana.

Zejidov sin Abdurrahman, rekao je da je bilo rečeno Selmanu sljedeće: „Vaš Poslanik vas je naučio sve, čak i kako da obavljate nuždu”? Selman odgovori: „Naravno, naš Poslanik, (sallallahu alejhi ve seleme), nam je zabranio da se okrećemo prema Kibli (pravac okretanja prilikom molitve), dok vršimo malu ili veliku nuždu, i da se peremo lijevom rukom nakon nužde, i da se nakon nužde ne potiremo sa manje od tri kamena, i da se potiremo suhom balegom ili kostima.” (Hadis bilježi Muslim)

W. Thomas Arnold je rekao: „Osjećaj pravde je jedan od najljepših ideala islama, a od onoga što sam pročitao u Kur'anu nalazim da ne postoji misterija u tim dinamičkim principima života bez praktične etike koja se praktikuje svakodnevno i koja odgovara cijelome svijetu.”

- ▶ islam ispunjava ravnopravno i u ravnoteži sve ljudske tjelesne i duhovne potrebe, te odbacuje poklanjanje prednosti jednom aspektu nad drugim aspektima.

Princ Čarls (Charles) je rekao: „Danas nas islam uči bolje od samoga hrišćanstva kako da razumijemo svijet i kako bi trebali da živimo naše živote na ovome svijetu, jer hrišćanstvo po ovome pitanju se izgubilo i postalo još gore. Islam ne pravi razliku između čovjeka i prirode, religije i nauke, uma i materije.”

- ▶ islam nije u sukobu sa ljudskim intelektom i prirodnim dispozicijama.

- ▶ za razliku od prethodnih religija koje su objavljene od Boga (Božijih religija) pojedinim nacijama ili pojedinim grupama ljudi, islam je religija u kojoj svi ljudi, bez obzira na vrijeme, mjesto, njihovo porijeklo i njihov nivo obrazovanja pripadaju. Tako ako na primjer neko želi da postane Jevrej (da pripada Judaizmu) mora se roditi kao Jevrej. Isus (Isa, a.s.), je rekao o hrišćanstvu: „Poslan sam da pomognem Židovima, izgubljenim ovcama Izraela.” (Matej 15:24)

1 "Towards Understanding Islam" str. 3.

Je dan od dokaza da je Islam univerzalna religija koja je pogodna za sva vremena, sva mjesta i sve ljude, bez obzira na njihovo porijeklo, rasu ili jezik se može pročitati u sljedećim Allahovim (Božijim) riječima: **«Mi smo te poslali svima ljudima da radosne vijesti donosiš i da opominješ, ali većina ljudi ne zna.»** (Saba' /Saba, 34:28)

U ovom ajetu, Allah naređuje Njegovom Poslaniku da otvoreno poziva u islam. Stoga je Poslanik, (salallahu alejhi ve seleme), pozvao svoj narod u tevhid (da obožavaju samo jednog jedinog Boga) i da odbace sva lažna božanstva. Kada je počeo pozivati ljude u monoteizam (vjerovanje u jednog Boga), bivao je loše tretiran od svoga naroda, ali opet bez obzira na njihov progon i maltretiranja, ostao je uporan i milostiv prema njima. Poslanik, salallahu alejhi ve seleme, je poslao pisma rimskom caru i kraljevima Perzije i Abesinije pozivajući ih da prihvate islam.

Da Objava koja se objavila Poslaniku Muhammedu, (salallahu alejhi ve seleme), nije bila od Boga ne bi bila univerzalna, a on, salallahu alejhi ve seleme, nikad ne bi tražio od nekadašnjih velikih imperija i njihovih velikih vladara koji su se nalazili oko Arapskog poluotoka da prihvate islam, jer bi to moglo dovesti do velikih borbi na nekoliko različitih frontova i protiv puno brojnijih i bolje naoružanih protivnika. Zašto bi se onda on, (salallahu alejhi ve seleme), usudio na tako nešto, ako to nije bilo objavljeno od Boga, Svemogućeg, koji mu je naredio da prenese Njegovu objavu cijelom čovječanstvu?

Kazao je Božiji Poslanik, (salallahu alejhi ve selleme): *„Ova religija (tj. islam) će postati kristalno jasna ljudima poput dana i noći. Svako ljudsko biće, bez obzira gdje se nalazilo, da li u naseljenom mjestu (gradu) ili u pustinjskom području će saznati za ovu religiju, ili kroz moć (silu) ili kroz poniženje. Moć (silu) s kojom Allah uzdiže islam ili poniženje s kojim Allah ponižava nevjernike.”* (Hadis bilježi Ahmed)



Zaključak

Jedina istinita Božija religija je islam, koja je savršena u svim aspektima, koja je vodič za sretan život na ovom i na budućem svijetu (vječnom životu nakon smrti). Vi možete zapaziti i pronaći različite običaje, manire i greške koje su počinili muslimani protiv drugih muslimana ili protiv drugih, ali treba da znate da je islam čist od takvih i tome sličnih manira i da islam nema ništa s tim nedostacima.

Nedolično ponašanje nekih muslimana koje možete vidjeti i susresti, može biti zbog njihovog neznanja o njihovoj vjeri (tj. islamu), ili pak njihovog slabog odnosa prema vjeri, tako da rade ono što vi vidite. Zato, ne sudite o islamu manirima njegovih sljedbenika. Ova knjiga se može smatrati kao početni ključ za daljnja istraživanja istine.

Da bi čovjek nastavio dalje proučavanje islama trebao bi:

01

ukloniti sve individualne prohtjeve i vjerske predrasude,

02

imati realnu želju da dostigne i razumije istinu, ne tražeći nedostatke i greške,

03

samostalno misliti, a ne slijepo slijediti mišljenja drugih samo zato što drugi to rade.

Kaže Allah: ﴿A kad im se govori: „Slijedite ono što vam Allah objavljuje!” - odgovaraju: “Ne, mi slijedimo ono što smo zapamtili od predaka naših.” Zar i onda kad ih šejtan poziva na patnju u ognju?!﴾

(Luqman /Lukman, 31:21)



Kako postati musliman?

Da bi postao musliman ne zahtijeva se nikakav poseban vjerski obred ili navika da se obavi, niti u određenim mjestima niti pred određenim ljudima, jer u islamu osoba bez ikakvog predstavnika ima direktan odnos sa svojim Gospodarom.

Sa jednostavnim vjerovanjem u postojanje samo jednog istinskog Boga i vjerovanjem da je Muhammed, salallahu alejhi ve seleme, Njegov rob i Njegov poslanik, izgovarajući šehadet čovjek postaje musliman. Kada se iskreno izgovore riječi šehadeta, (svjedočenje da

je Bog jedan i da je Muhammed, salallahu alejhi ve seleme, Njegov posljednji Poslanik), svaki grijeh koji je čovjek počinio u svome životu do iskaza šehadeta bit će oprostjen.



Kaže Allah u plemenitom Kur'anu: **«Ali onima koji se pokaju i uzvjeruju i dobra djela čine, Allah će njihova hrđava djela u dobra promijeniti, a Allah prašta i samilostan je.»** (Al-Furqan /Furkan, 25:70)

Potom započnite da živite vaš život kao musliman, koji se potčinjava Božijoj volji. Nemuslimani, koji su prihvatili islam, Allahovom voljom će dobiti duplu nagradu, zbog njihove vjere u njihove poslanike i zbog njihovog vjerovanja u Poslanika Muhammeda, salallahu alejhi ve seleme.

Kaže Allah: **«Oni kojima smo dali Knjigu prije Kur'ana, vjeruju u nj, a kad im se kazuje, govore: “Mi vjerujemo u nj, on je istina od Gospodara našeg, mi smo i prije bili muslimani.” Oni će dobiti dvostruku nagradu zato što trpe i što lijepim zlo uzvraćaju i što od onoga što im dajemo udjeljuju.»** (Al-Qasas /Kazivanje, 28:52-54)

Pored toga, Allah briše svojom voljom sve grijehе koje su nemuslimani činili prije nego što su prihvatili islam, odnosno prije nego što su postali muslimani. Kaže Poslanik, sallallahu alejhi ve sell-eme: *„Prihvatanje islama briše sve što je bilo prije njega.”* (Hadis bilježi Muslim)



Kur'anski ajeti koji odražavaju moralne vrijednosti

Kaže Allah: «za one koji, i kad su u obilju i kad su u oskudici, udjeljuju, koji srdžbu savlađuju i ljudima praštaju - a Allah voli one koji dobra djela čine.» (Ali 'Imran /Imranova porodica, 3:134)

Kaže Allah: «Ti sa svakim - lijepo! I traži da se čine dobra djela, a neznanica se kloni!» (Al-A'raf /Bedemi, 7:199)

Kaže Allah: «Gospodar tvoj zapovijeda da se samo Njemu klanjate i da roditeljima dobročinstvo činite. kad jedno od njih dvoje, ili oboje, kod tebe starost dožive, ne reci im ni: "Uh!" - i ne podvikni na njih, i obraćaj im se riječima poštovanja punim. Budi prema njima pažljiv i ponizan i reci: „Gospodaru moj, smiluj im se, oni su mene, kad sam bio dijete, nje govali!“» (Al-Isra' /Noćno putovanje, 17:23-24)

Kaže Allah: «Ne drži ruku svoju stisnutu, a ni posve otvorenu - da ne bi prijekor zaslužio i bez ičega ostao.» (Al-Isra' /Noćno putovanje, 17:29)


Kaže Allah: «O vjernici, u tuđe kuće ne ulazite dok dopuštenje ne dobijete i dok ukućane ne pozdravite; to vam je bolje, poučite se! A ako u njima nikoga ne nađete, ne ulazite u njih dok vam se ne dopusti; a ako vam se rekne: „Vratite se!“ - vi se vratite, bolje vam je, a Allah zna ono što radite.» (An-Nur /Svjetlost, 24:27-28)


Kaže Allah: «I, iz oholosti, ne okreći od ljudi lice svoje i ne idi zemljom nadmeno, jer Allah ne voli ni gordog ni hvalisavog.» (Luqman /Lukman, 31:18)

Kaže Allah: «O vjernici, ako vam nekakav nepošten čovjek donese kakvu vijest, dobro je provjerite, da u nezananju nekome zlo ne učinite, pa da se zbog onoga što ste učinili pokajete.» (Al-Hugurat /Sobe, 49:6)

Kaže Allah: «I od onoga čime vas Mi opskrbljujemo udjeljujte prije nego nekom od vas smrt dođe, pa da onda rekne: "Gospodaru moj, da me još samo kratko vrijeme zadržiš, pa da milostinju udjeljujem i da dobar budem!"» (Al-Munafiqun /Licemjeri, 63:10)

Kaže Allah: «Reci: „O sljedbenici Knjige, dođite da se okupimo oko jedne riječi i nama i vama zajedničke: da se nikome osim Allahu ne klanjamo, da nikoga Njemu ravnim ne smatramo i da jedni druge, pored Allaha, bogovima ne držimo!“ Pa ako oni ne pristanu, vi recite: "Budite svjedoci da smo mi muslimani!"» (Ali 'Imran /Imranova porodica, 3-64)







مركز أصول

Osoul Center
www.osoulcenter.com

IslamHouse.com



eDialogue

Interested in ISLAM?
Join For a Free Private Live Chat



edialogue.org

For more details visit
www.GuideToIslam.com



contact us :Books@guidetoislam.com



عرض تعريفى عن مركز اصول
ومجالاته ووجدانه.. مشاهدة ممتعة لك



www.osoulcenter.com



OSOUL
STORE



To Download This Book, please Visit:



KLJUČ ZA RAZUMIJEVANJE ISLAMA

Ova knjiga od samog početka navodi da Kur'an nije naučna knjiga, ali ukazuje poštovanje nauci i naučnicima, dajući im visok status u islamskom društvu i svojim sljedbenicima naređuje da ih se uvažava i cijeni. Autor obavještava svoje čitaoce da nema namjeru povezati Kur'an sa modernim naučnim otkrićima, nego navodi samo kur'anske ajete koji se odnose na takva otkrića koja je i sama nauka otkrila u naše vrijeme.

Knjiga pojašnjava stvarnost islama koji je sveobuhvatna vjera za sve aspekte života, pokazuje ulogu obreda (ibadeta) i trag koji.

Preuzmite
Knjigu



مركز الأصول
Osoul Center
www.osoulcenter.com



www.guidetolislam.com 9 786038 352809